

三怡堂叢書

天根文鈔

三七

天

鈔

根

二

豨

齋

秀繼丙申
物于大纛

天根詩鈔目錄

卷上

古體

聖德頌十二章

有序

聖人出

日出光

三太子

一章開

三大事

三等人

述天語

昭莫多

示不疑

眞知已

門戶爭

爰清官

賢蹟贊十三章

地連震

陳水旱

殺人例

還紅本

五通神

民訟冤

醉漢來

江南景

死于敵

時憲書

破肚總兵

兩兒頭

郎柱事

同治中興篇

憶昔行

杜鵑行

庚子行

古謠

俗謠

短謠

月謠

淫雨謠

野馬謠

虎謠

狗鬪謠

蒼謠

獵曲

冬獵歌

得志篇

優孟樂

河間女兒曲

寓志詩

容輿歌

維天八章

我生之初四章

燕燕一章

我之方生四章

四夢詞

寄弟三首

石問

冷齋鐵如意歌

相逢行

落葉辭

鴻雁行

登州夏將軍歌

逃兵歎

開荒行

大梁盛都會

萊陽表忠詩

兒受恩

服聖人

高城墜

蟲食禾

拜蘇墓

充老兵

眞州李氏節義詩

五姑行

義僕行

俠哉方叟行

平涼行

霜鳥篇書程母傳後

詠史五章

陳古

結交一章

讀顧亭林先生書感而有作

湖上有老桐一章寄高子麗中

偶憶

東行一首別同社諸子

水溝頭

京國三章

曉坐園中

二哀詩

春至登州訪紀晦盦先生歸來旋聞其歿

濰縣展郭靖侯墓並示其弟湘帆

渡濰

惟嵩有閒氣一章追述項城袁文誠公遺事贈張

景樓刑部

言志一章呈陸吾山先生

遣懷五章答黎喟園

論詩一章示兒

人日感懷

老木

秋日海上望田橫島歌

海上中秋望月歌

明五人墓歌

濟南大明湖鐵尙書祠堂歌

恭陽左忠貞公祠堂歌

趙秋谷先生遺硯歌爲徐澤甫作

明如圖歌

歲暮行

大梁行

論交行贈高子麗中郭子蓋卿

丁太守古劍歌

狂歌寄王子冊山

短歌送王冊山入都

放懷歌觀丁桐孫畫卷

道州行弔子貞何先生并示石來

關中豪士歌送薛曉湘

中州行贈同里趙金聲

長安行贈陸紫珊同年并示楊君挺之舒君蘭生

日照丁布衣歌

白雲翁歌贈萊陽布衣趙鍾壽

靜海道中大風

徐斲孟畫鷹歌

聽宣師彈琴

江漢行送澠池張景樓刑部之皖遂游楚中兼呈

武昌張廉卿監利王子壽兩先生

光緒十四年六月二十九日夜夢題李文石公子

明湖圖得起句足成此篇

賤儒行

張靜娘曲

老健坡行

明項胥樵尙友圖歌

道州筆法歌追懷吾宗子貞年丈卽贈其鄉陳伯

薊

久雨歎

漢張良銅印歌

茅屋謠聽江夏吳翁語少日尋親事

韓將軍訓兵歌

蘇文忠公生日歌

得古字

江上謠山陰戴守愚元直父子太倉陸孟孚右周
兄弟南游返爲作是篇

黃刺史大梁宴客歌

長歌寄孫京卿并示濰縣陳孝廉

重遇濰縣劉子秀孝廉汝甯獲讀其詩集夫詩雖

小道亦有守先待後之責焉追述師友感賦長

歌

明劉忠介公海天旭日硯歌

卷下

今體

有感

塞外

前感事

後感事

萬國

登岱

五月朔日蝕

吳健庵初得丞倅至白都

贈薛曉湘

讀書

渡河

月夜湖上

過湖寺訪許怡村

北極閣雨望

秋夜獨坐懷高子

破寺聞鐘

山行見殘碑

夜坐有懷

懷宮玉甫

懷關中薛大

別族人

鹽山

檢亡友童栗仲遺札

送薛曉湘之蜀中

春雨

聞高味蓼葬里中泣然成詩

聞韓申之同年自江南赴都並慰其下第

雨中懷宮子行

寄懷王子捷同年

奉郭松喬先生

贈掖縣翟式文湖上

檢靜娘篋

答同里劉大令

讀陽湖沈星府津門惜別圖有感

贈丹徒唐少秋

歲暮送星府

送金扶青歸葬桐鄉並攜弟應試

得趙菁衫書並所著青草堂文集是夕夢菁衫至
丙戌中秋望月憶弟並海上諸故人

鄭州

秋暮大風雨晨登草亭有作示沈星府方罷試京

兆

萬室

伊闕

送徐養齋歸揚州

秋感

齊氏姑濟南陳氏妹京師孫氏妹平陰舍弟家珍

萊陽同日書至時有邊患悲喜交集感賦一章

遼陽州三首

不信

輓摩師

三夢摩師梳髮指手植竹樹曰吾于草木且有情
也寤而紀之

古愁

秋雨陸耀滄書來云將重訪遲之不至

元夕詠古

吳生芋僧自汴歸雒以近文寄示且以書述憂病
狀慨然答之

聞山東巡撫李公罷歸

感事

哭弟

渭薛仲超文學兼懷劉艮生先生

重游大明湖

用鄒君韻贈西華令舒敏之

先朝

詠懷古蹟二首

野望

過鵲山橋

感懷示高麗中郭蓋卿

寄贈王冊山

大學士倭文端公輓詩

讀朝鮮李君藕船與王子梅先生書感賦即贈先

生

書感

聞人述張忠武公死事

讀曾文正公集

題汪允莊明詩選

別宮玉甫

上曾河帥

初春自萊陽入都

哭高麗中

感舊

懷人詩

謁宜良嚴秋查先生墓

紅葉

陳伯還建康豪士也遇于萊陽投之以詩

贈趙菁衫

懷趙菁衫

望海

萊陽懷古

與上元蔣紹由同年飲酒成詩

青州懷古

濟南旅感

青州寄舍弟萊陽

歸里留別趙菁衫

遇管敬伯司馬大梁

聞關中蘇曉帆談昔年撫寇事紀之以詩

懷黎喟園

遇劉南卿先生

書懷

秋日遣興

夏日雨後郊望有感

病中聞族父奉曾大母大母匱歸自廬江

病中聞蓋卿刑部劬于京邸感哭一首

菊

秋暮作小亭

聞邊警追懷林文忠公

歸冷園

送曾曉亭歸鄉應省試

遊嵩山

海上

漢家

于今

讀靜娘月痕詞淒然有作

春初送豐仲虎之開封并追懷黎喟園

冬雪聞孫佩南訪弟祥符有傳其將膺薦起官者

余不信也作詩白之

雪後憶弟海上

謁朱仙鎮岳祠

六經

人有言陽湖沈星府客死者詩以哀之

雪中寄吳生芋僧返州

汝南逢鄒文本

病中感懷

汝南學齋卽事

光緒二十四年八月十一日都城紀事

獨卧

感事贈鄭介亭少尉

光緒二十四年十二月十九日同人壽蘇文忠公

于汝南學齋分韻賦詩合刊一紙感成長句

蘇文忠公生日用去歲鄒文木松字韻寄文木

人有傳天津陷者追憶舊遊風景之盛不覺淒然

七月都門紀事

秋柳

秋感

逢鄒文木

感都門近事

寄孫佩南京卿

題汪孟平西征草

順元榜放賀鄒文木捷並寄金氏兄弟狄蕭諸君
歲暮感舊並贈濰縣陳鳳五孝廉

哭長兒德葆

王爵生學使臨試汝甯樽酒相招詩以志謝

題鄒文木孝廉繁臺秋影圖

讀爵生學使家傳感賦卽題其後

奉蔣丈箸生書答詩一章

追弔二祭酒

讀平度白澄泉 永修明經曠廬詩知其同社如董

蔚堂孫康侯光甫翟君素月樵郭蓉汀尙屏臣
諸君名若劉子秀則余舊識傅少隅則介陳鳳

五以詩通訊者也

古渡

曉發

過鮑山

過肥城黃崖山二首

夜雨

山行

周口歸塗作

冷園雜興二首

論詩絕句

盛朝文人逸事詩

昭代文人逸事詩

江南曲

望遠曲

涼州曲

送薛曉湘歸關中

秋望

懷方小東江南

春日郭蓋卿至濟上

視王子梅先生病

書吳梅村集聽女道士卞玉京彈琴歌後

秋望思高子

遙弔唐處士棣青州

夸門晚眺

東昌郡

濰縣弔郭靖侯

萊陽弔姜貞毅

秋獵

閨思

憶江上舊游三絕句

濟上

夸門

濟南懷古詩

訪二十四泉草堂

題冷玉短歌後

感舊詩

河上有懷李公故中丞德

山東二典史詩

弔二友詩

懷兩司馬詩

三公本事詩有序

聞二等恪靖伯大學士左公一等威毅伯曾公以

疾乞假

幽居

追悼嚴秋查先生

秋晴

遇前合肥令孫佩南洛陽

懷陳濟蒼濟南

讀張魏公傳

玉貌

趙菁衫按察山東遠貽書問追感今昔前憶舊交

送胡大令餽蘭州

讀明史鄭和傳有感

詠叔孫通

詠柳渚

詠種放

送客歸登州

苦憶

送秦客出塞

闕孫佩南蒙薦京卿銜寄贈

歲暮送人歸江西

旅順

老柳

朝鮮

聖明

露臺

書十六國春秋後

感南宋

中秋有感

八月下旬有白氣亘天起東北至東南紀之

自題紀黃厓文後

輯湖社文錄題詞

天根詩鈔卷上

封邱何家琪著

古體

聖德頌十二章

有序

伏惟

大清膺

天眷命撫有中夏

列聖相繼名世夾輔

盛德鴻功莫可殫述

臣家琪生

際

昭代忝廁儒職數典未能竊滋愧焉恭讀

實錄兼稽

史歲爰紀數端綴以韻語謹成

聖德賢蹟頌贊各十

二章敢擬奚斯歌魯願附子淵揚漢云爾

聖人出

聖人出集天命誅闖賊非敵百姓大軍入關立除明季

諸弊政

日出光

少而勤學日出之光講讀恭侍惟賢惟良經筵肇舉永

垂家法子無疆

三太子

朱氏天既亡諸王後先死是時安有二太子不見佟岱

一疏聞一時明裔具霑恩自古未有我朝之深仁

二墓間

岳與于二墓間遺民請葬張煌言趙公許之上曰賢

仁祖之仁真如天

三大事

三大事書之宮中柱逆藩既平河漕屬斬輔開中河漕
艘過宋禮陳瑄功孰多

三等入

帝曰此囚可寬臣曰死者無辜 帝曰此囚可活臣曰
敢不愼諸 帝憐天下三等入寒士窮民與囚徒 特
徵鴻博儒豫免來年租

述天語

不貪一錢不妄殺一人 聖世之臣廉且仁 天語煌
煌當令天下聞

昭莫多

親征噶爾丹勒銘昭莫多山欲城兮無駱駝俘有老胡
上令笳歌黃河北柰若何北斗南柰若何

示不疑

臣偕入防不測屏左右示不疑推誠降人理所宜 聖
人之意誰能知

真知己

馮溥真翰林元文佳狀元報主惟以人才先於虜乾學
尤愛士左右飛語論幾死真知己 聖天子

門戶爭

門戶爭明為甚 聖祖知之最痛恨惟彭與郭孤直良

可風名賢一嘗當姑容執兩用中乃大公

愛清官

于公古今廉吏第一張公天下清官第一二公清廉皆
無匹 帝曰朕讀書數十年如此清官不保全清官奚
所賴以安惟 聖主愛清官

賢蹟贊十三章

地連震

天久旱夬象見蒙恒風洪範變君不見京師地震驚法
宮天子獨坐武帳中魏公直入矢靖恭密啟大臣懷不
忠夜出涕泣猶霑胸

陳水旱

詞臣上書權相伏辜儒臣啟沃 聖祖勤學四方水旱

日陳言昔有李文靖今有熊文端

殺人例

殺一時者刃殺萬世者例夜半執筆輒流涕一人爭不
得炷香退自責臣此心天可白

還紅本

死頒赦何行刑封還紅本同官驚公等勿驚有罪吾任
之昔日諫獵臣天下誰不知

五通神

蘇州城上方山歲娶婦五通神湯公曰咄何神為象投
諸火永禁之君不見狄梁公程夫子妖不勝德古如此

民訟冤

江南訟陳冤江西訟劉冤鳴鉦擊鼓遠近傳 天子特
詔還其服比爾小臣何處獲戾于長官

醉漢來

醉漢來老奴安在山中雨水禾稼父母妻子皆何若客
至胡不爲我設酒作賊胡爲哉我將睡鼾如雷梁頭男
子墜夜半知公神人非醉漢

江

虎邱一墳堆河道千糞船江南風景何足言 純廟聖
德胡爲悔南巡吳公述之不愧古大臣

死于敵

與其死于疾無寧死于敵吾儕平居言此時何不力兵
二百五十八戰皆捷聞於虜勇哉王武勳

時憲書

冠御賜冠衣辭母時衣奉時憲書三載朔望肅朝儀逆
賊倉皇入夜半索冠整衣死北面

破肚總兵

曾遂喜藍理死矣藍理在曾遂死矣南風大作雷忽止
臣腸雖出臣不死 聖母問汝何名臣乃破肚之總兵

兩兒頭

爾賊能舍其父我豈獨不能舍其兒爾殺爾父竟何為
我忠臣兒厲鬼手兩兒頭能擊爾

郎柱妻

夫雖死幼子在背家雖圍寶刀猶佩兒年十四知父仇
啖仇耳鼻刃賊頭

同治中興篇

南海始土寇西邊入羣夷割平一中外咸仰 中興時

兩宮女堯舜 詔下御簾垂周公赤舄度北面遵朝

儀郭李競功烈韓范資扶持文士皆麟鳳武夫具熊羆
二疏與四皓尊爲帝者師幽風圖往古金鑿戒來茲緬
昔至盛治歷朝有成規文景尙清淨貞觀萃羣材漢唐
不足法上與三代齊草莽臣稽首昧死陳便宜一曰重
名器一曰謹帑財一曰嚴胥吏三者爲綱維無功多冒

賞良將氣先頽官僚日肥橐費重民力疲
朝廷有定制煌煌 聖訓遺胡以 祖宗法而濟宵小私黜陟上
下手坐例以爲辭公然索賄賂百政權潛移寃沈水旱
患兵兆陰陽災治亂本相伏憂懼宜常懷神明出 沖
主獨斷寰海知高天升日月大地奉神著江河中流立
雨露庶物滋一夫無不獲八蠻誠同歸 修德紹 羣
聖萬載丕丕基

憶昔行

憶昔 先皇駕北出正陽門外森秋日西戎壁馬來賓
王官民驚走棄家室別苑野火紅燒天雲霞捧上九霄
元 六龍初御人不知近臣扈蹕都倉卒明年秋風慘

行人燕山萬里橫飛雪
詔書哀痛布下方草野哭聲
帝廷徹董公上疏請垂簾巨姦未除魄先奪雷擊鬼
物雨蘇民中外咸仰王正月
兩宮聖人抱
沖主佐
以二三濟時傑海內盜賊次第平遺矢告
廟
神顏
悅諸夷雜處終可虞萬世人心那能失
國事豫聞吾
豈敢清時必從始亂說於虜但得親見
今上涖政紆
前憂雖使終身溝壑甘棄物

杜鵑行

海上狂夫失所往暮夜遠向杜鵑哭首回萬里不逢春
風雲慘淡木森肅百神拱列朝高天左日右月雷中懸
龍直上兮將安攀忽憶昔年歲在酉
國家多難軍民

走宵旰未畢 先皇憂南北親定 沖人手十三年間
重太平此時誰不蒙生成嬉卒脫甲拜官卧老農飽飯
看兒耕殊恩日日宣 帝廷一朝飛下哀痛詔惻惻人
心無不到猶仗天威讐邊徼神明仁壽稽我 朝元氣
千秋 祖宗廟

庚子行

昔道光朝歲庚子南海之濱啟釁始不圖因循六十年
天下陵遲遂至此當時政枋執穆相和議一主禍陰釀
且聞王公尸諫死林公焉得不煙瘴一炬燒毀天驕船
償之以直金萬千廈門要害似賄賣大小衆國梯航連
文宗御極首下詔佞臣立除賢特召猶未外甯內竟

憂誰使中原滿羣盜庚申之歲駕北巡野火先焚圓明
圍狻猊乘閒都門入監國賴有恭王賢蒼梧山崩日墮
淵重瞳上馭兩宮還肅順伏鑽曾秉鉞垂簾共頌中
興年大江以南半壁復一隅聊借敵人力從此衷甲假
通商如火之燎不可熄痛哉穆宗棄弓劍前星未耀
曾遺憾今皇大統嗣神明惟以家法爲金鑑一自三
韓左臂亡陪都根本失保障沿海諸邊已爭據登萊列
郡難爲防何物鼠子忠義憤起莫噬豺狼自殘犬豕正
陽門上火燭天大呼殺人滿街市達官不論况細民流
入御溝有血水犬戎坐奪天津口兵皆不戰將皆走可
惜李公號重臣空拌一死莫措手浩浩兮秋風飄飄兮

飛蓬亂奔兮野鹿徧叫兮哀鴻鴟鴞夜號魍魎笑霹靂
不下天如聾瑤池翩然降王母東皇潛出羣仙從回首
先朝如昨日又見 鑾輿塵再蒙塵再蒙胡西兮不
東發祥基肇 太祖 太宗 世祖入關風虎雲龍
燕京定鼎 殿陛九重赫濯 陵 寢時祭孔豐遙望
長白山頭草正在濛濛霜露中

古謠

心為天孔幾慎一動
天黑見星屋黑見鏡
黃沙漫天下民有冤
老樹無秋老女無愁

大道旁草以弱而長棘以強而亡

鯉魚升河將冰

牛角豎鼠能鑽

器巧用小毀早

腰劍鈍壯士奮

錢有生殺權

官高年老妾嬌兒小

東家倡雙戶闔西家女門前立

婆由婦爲其苦身知

纏足鞭之行痛從心上生

天上吏不見人間尉

家有孤仗老奴

口黠必愚體肥必虛

聾學雷聲瞽說天明

歧途知返道無遠

莫望豐年且力田

村女之中有西施市勾之中有伯夷

俗諺

父母生衆子衆子原一身一身且秦越何況行路人

國枋目上馭奸雄木能臣國法自上理盜賊本良民

寒士不計錢未必天窮死富翁善積財老生紈袴子

短諺

談天下事盡一杯酒生死寸心得失衆口

月謠

月月汝何缺汝缺人應別

淫雨謠

淫雨無年淫賞無官淫刑止亂其亂無端

野馬謠

平原野馬東錦鞞大道倡婦嫁高官

虎謠

民本官之食化虎非奇聞借問治民者誰非封使君

狗闕謠

皋陶解薦不如徐子狗有罪不敢觸而賢輒噬以口於

虞此之謂徐子狗

著謠

動必思咎萬事無苟

獵曲

左有兔兮右有狗嗟爾老鶴死人手

冬獵歌

天死寒日雪平亂山風沙四合夜得虎還

得志篇

今人貴得志得志果安若未冠掇科名未老登臺閣

今人貴得志得志果奚如有錢阿堵滿有妾專房居

今人貴得志得志果何極門生徧中朝戎機統外國

優孟樂

衣冠今優孟優孟古衣冠昨日主人壽歌舞紛開筵一
曲賜錦千百端隅坐有客潛下淚惜我秩卑終是朝廷
官

河間女兒曲

河間小兒女琵琶高于肩不彈亦不唱逢人但道錢

寓志詩

北吹之風而有南飛之鳥物各有志不在大小

容與歌

蕭蕭兮木秋悠悠兮河流慨風波之滿目聊容與乎孤
舟

天本言金卷一
雜天八章 念祖也

渾渾維天萬物厥初時實生民井之田之樹之甸之千
億斯年

稽我始祖率彼淇澳乃至于衛爰卜爰筮築室于茲我
始祖來憩

崧山之陰大河之許厥邑封邱有姓百戶厥村維何曰
小里薛世居其所

秦有大縣高祖治之皖有大縣曾祖治之民之愛矣惟
我何氏思

肅肅我祖何氏之季播越靡定吏治其畀族嫻與鄰以
腹以字篤生我考以光後嗣

於戲我考丕顯于京爲政克明克廉克讓啟處不遑惟
王事是將齊人之望

克配我祖大呂之功迺村迺爨迺治女工我母維唐降
自越鄉戚憂以老下告大呂諸孤用保

枝其繁矣水其泉矣凡今之人蔑其原矣誦祖德兮百
世之則兮

我生之初四章 侍母疾也

我生之初祖父具存我生之後惟母一人

此日何日此鄉何鄉母雖不言厥心實傷

晝飼兒飯夜綻兒衣願兒無恙躬飢寒之弗知

劬勞十載撫兩孤兒兒既長矣猶無已時

燕燕一章 思父母也

燕燕子飛有雛隨止堂上之草春亦歸止彼鳥有知彼
卉有知人無父母云胡不悲

我之方生四章 責躬也

我之方生天命厥性師保其誰曰孔與孟少而讀書長
而觀行百年須臾柰何弗敬

太鈞幹運日月升雲 於皇聖世不遺微臣天下之重
任在吾身禹皋伊且彼皆何人

我祖遺訓在保九族我考賢勞胡爲不祿小子來歸先
隴是宿涕泣徘徊仰彼喬木

有弟失學莫成其名有妹早寡莫保其嬰二人已矣所

恃惟兄上慙許武下愧陽城

四夢詞

夜來何所夢夢見明湖水
水中有老鷗似識舊游子
夜來何所夢夢見平生友
刺船招我登重結社文酒
夜來何所夢夢見弟與妹
阿母坐中堂四人共兒戲
夜來何所夢夢見我靜姝
土底十餘年容顏猶如初

寄弟三首

一官亦何爲竟至無骨肉
今日天下事不獨此當哭
爾旣不能來我亦不能往
一別二十年齒逐歲月長
濟南舊有屋兄弟東西住
何不置一椽同爲歸老處

石問

光緒十五年秋予于洛陽城隅得一石肖丈人形其棄
置蓋久矣既記其事復作歌以問之

石丈人汝來前汝且安坐聽我狂言汝下何不塞茫茫
之海上何不補蒼蒼之天而乃獨卧洛陽城隅之西偏
洛陽自古天下盛衰之所係華林金谷久已歷歷隨雲
煙孤柱雖堅莫支大廈仙糧雖熟莫濟荒年江海橫流
徒令犀牛傳一自五丁開蜀道舟車從此便夷蠻良嶽
且移趙宋鼎禍福于汝何誅焉汝不見學舍小園之草
勃也茅作亭而竹作障也大雨壓屋化爲山而刺棘敗
瓦怒相抗也一朝徙汝亭之旁何公然拱立而作人狀
也石丈人汝來前數汝祖典可能一一言書何爲而啟

神禹功何爲而紀始皇苟所遺無餘臭流百世之芬芳
子何所諱而稱孝吏何所取而名廉苟虛聲之是盜來
萬口之攻砭縱令蹟則怪怪奇奇胸則磊磊落落骨則
嶮礫而砢磷氣則抑鬱而旁魄或傭之于販夫屠沽或
避之于峻巖絕壑而苟其寸心之無主亦何異于世上
一切而其脂而鬼醜首其冠而虎惡亂曰我欲佛汝兮
佞子匍匐我欲兄汝兮孔方側目媵汝于牀第兮貌不
如玉侍汝于几席兮書不解讀石丈人石丈人汝其從
我游爲汝插菊滿頭注酒滿甌相與對此萬古之高秋
冷齋鐵如意歌

余齋置鐵如意十餘年矣惜其負質矯健而于世無所

用也歌以壯之

於虜如意汝何不爲朱雲劍以斬禹頭秀實笏以擊泚
顙王著銅錘以斲阿合馬之腦而徒負此鐵中之鋒錚
傭中之佼佼於虜如意我亦不能枕之如越石之戈著
之如士雅之鞭指揮之如諸葛之羽扇而乃等之于談
元之麈尾拊馬之便而振古以來天下不如意事十常
八九獨錫嘉名胡爲乎而况天地之盛衰國家之治亂
吾人骨肉交游死生聚散之故不如意時恒有如意時
恒無獨錫嘉名胡爲乎迺碎珊瑚迺擊唾壺手如意而
重爲之歌曰渾厚之質剛建之德節雖屈而抗竹之直
色雖黝而抵玉之白其精也如金其介也如石其寒也

如冰其削也如壁其空明也不必水晶其光怪也不必
琥珀舉而起舞可以折破陣之鎗橫而嗚咽可以裂出
塞之笳執而濡染淋漓可以代大筆而作討賊之檄當
今之世如意耶否耶面赫赫兮割佞席齒稜稜兮嚼柔
肋氣凜凜兮奪鬼工而褫奸魄眼中鐵漢老無敵筆管
蛟龍下霹靂不鑄六州錯不易連城壁不用帶甲百萬
而寸心足以報國

相逢行

婦入賊中生夫入兵中死中道而相逢抱頭哭不止
將進酒觀白下陳大一飲三百杯卷子感賦此篇
月自古江自流交不逢天下士說不盡胸中愁惟有一

飲憑弔向來龍蟠虎踞帝王州
六代興亡一旦暮
故宮管井青山路
秦淮嗚咽繞石頭
餘哀總入蘭成賦
王氣銷歇仍雄都
興朝巡幸六龍趨
管籥偶然虛天塹
新亭翻歎風景殊
繁華頓萃春申浦
壁壘周遮震歌舞
蜃樓慘澹百蠻天
鮫市喧塞中華土
金珠濫賤驕簪纓
魚肉羶腥尊鼎俎
上座皆何人
貴官雜大賈
四筵屏以如花女
獨君子此寓孤懷
縱飲日輒三百杯
飲之不足圖爭開
但見千圖萬圖中之杯
雲卷而濤飛
吳越題句皆才子
大梁狂生拍案起
欲贈一言請自此圖始
我皇有道守在四夷
天下之責當今其誰少
壯歲月不我再
英雄心事惟酒知
將進酒有所思
月古兮復來江流

兮復回太白復生亦徒高卧市上誰道謫仙才

落葉辭

秋風上天謫一葉萬里瀕洞江海入寒鼉白晝曝日晴
老蛟半夜咽潮泣若有人兮洞庭山珠宮縹渺靈旗翻
神指似握千年淚偶彈落向黃雲閒且逐猿啼三峽曲
蜀鷓猶賸春魂哭南來鴻雁聲何哀前飛鷹蒼後鷺禿
明月出關山涼露華帶酒霑衣裳趙女莫老人閒舞乘
龍騎鳳夢如雨天心爲我迴終古

鴻雁行

亂山日落登高臺悲風洶浩荒天來鴻雁孤飛不知止
橫流萬里長江開古人所爭惟秋氣微物何敢愁天地

儻得鳳凰軒然翔以爾翼之休自棄三千六百人間禽
當時歎其皆無心一聲高唳羣亦怪那許大澤獨行吟
長安道上多車馬木葉蕭蕭隨雲墮我分空山待老材
何由卻遇風塵下

古義士行 美桐城姚瑩建甯張際亮也道光朝瑩備
兵臺灣西國犯海禁誘以漁舟殲焉謀者趨天津上變
謂必殺瑩時方議和 詔逮之初際亮與瑩交聞耗大
哭夜急乘小舟渡江至京師謁執政營救減死尋起官
此固 天子聖明規知其忠然如際亮者可不謂義乎
際亮旅死瑩歸其骨

日墜萬山暮兀坐懷古人古人已矣不可見大義當令

天下聞昔年西人入中土海內飛鷁日通賈手把異藥
有奇香坐使良民心盡蠱桐城姚侯鳴孤忠闕疆一角
無夷蹤執政者誰倡和議高天霹靂沈獄中建寧張子
英雄友雪涕登舟大江口洪濤萬丈挾夢飛已向君
門夜泥首書生結髮受君恩衣裳斧鑕非所論中

朝有詔赦孤臣天威士氣從此伸便死恃爾能招魂京
華破店風雨昏枕劍不起天無春遺骨負之歸里門是
時宜黃鴻臚上一疏漏卮焉知非遠慮四方復出有心

人儻隨哭上諸公墓

謂黃爵滋

登州夏將軍歌 將軍名辛酉

皇帝二十一年春倭人入寇侵海濬海濬諸邑類陷沒

登州郡峙孤無鄰蓬萊高閣轟雲表猛濤惡浪齊相吞
天公累日降大雪飛烽明滅狂風翻一夜訛言賊數至
滿城官民驚失魂披衣把火干兮百兮踣且奔是時城
甲空無人突見沙礮礮出摧燒倭船之火輪倭人怪歎
何鬼神倭人且勿歎非鬼亦非神城中猶有夏將軍於
虛城中獨有夏將軍

逃兵歎

去年遼海逃兵至能言遼海兵潰事兵家勝敗古之常
其賴主帥勇且智主帥夙稱博雅儒弱冠早直承明廬
羣書徧覽况兵法韜略前欲無陰符曩時朝野首定約
湘中持節又上萬言書一戰計能擒孟獲再戰頸欲係

單于敵未見兮我礮一何多礮發盡兮敵來可柰何可
柰何敵礮發我兵棄礮逃則那亂馬退飛二百里大雪
風卷煙塵起單衣枵腹滿道旁橫尸敢信國殤死望見
中營不敢奔森森幕帳列壁壘左右圖史故依然三日
前已有烏止於虜湘軍昔號天下之勁兵連歲製造戰
器利且精惜哉一旦勤王名

開荒行

井田變阡陌秦人以富强豈知三代制由此遂淪亡經
界既不正賦役恒相妨大戶鶩兼并利誘更勢攘田多
租或寡坐食侔侯王小戶供耕作隱盜以爲常最苦田
賣盡空券猶追糧朝廷有成法計畝用丈量苟假胥

吏手叢弊尤難防河南大旱後所在紛開荒村廬莫可
計姓氏何須詳私征賦詭免不入庫與倉損上果益下
民說宜無疆

大梁盛都會

大梁盛都會車蓋多威儀交游重酒食衢路如雲馳風
俗尚既久性情為之移但縱口腹欲金銀何足奇市僧
固皆爾仕宦尤相宜中華無異物羅致來蠻夷烹飪極
精巧絡秀親手為主客具已醉欲退姑委蛇朝殮千家
產夕飲萬民脂頗聞山西旱馬矢以充飢

萊陽表忠詩

兒受恩 表姜忠肅也

招田父飲窮村滄海橫流且與飲一罇罇未盡北兵至
紛紛逃死獨垂淚兩兒早受國家恩當年親教忠孝字
誥敕煌煌身拜賜

服聖人 表宋忠節節愍也

誦聖人書居聖人里學行苟不服聖人什伯之罪真足
恥宋侍郎言有如此儒冠平日亦誰無此言高坐抵掌
驚愚頑倉皇置身或不然惟有侍郎言獨踐遂與同宗
吏部矢報君親戒苟免報君親服聖人
高城墜 表趙節愍也

致政家居無守土責受爵昔年今日宜報國邑雖小中
朝有尺寸那容棄之走率衆登陴且死守萊陽城頭夜

鷓鴣叫寒風栗栗落月照身墜一葉魂九廟更有贛州清

水塘師兮弟兮相頡頏

清水塘楊忠節死難處忠節節愍師也

蟲食禾 表沈烈愍也

孫受砦火一門蟲兮蝕禾猶作全家皆死文君不見柏

南尚忠臣墳石不轉烈婦魂寸心感萬物俱能千載存

兄文試或棄弟椎戰失利滿朝翰林不識字男兒一死

光天地

拜蘇墓 表左忠貞也

北京沒已一年南都陷一月前興朝雖有禮孤臣持節

將安還臣安還臣有死死不辱大明使某也鬼帝祭泣

其名某也賊御酒祖其行沈迅無辱姊懋第有降兄於

虜非鬼非賊亦非兄來勸說者律與陵君不見我公會

拜韓城蘇子卿

充老兵 表姜貞毅也

既不死敗血出復不死小紙密臣無狀兮萬死輕一息

猶許宣州充老兵稽首孤行曰北面痛哭不見前宮殿

大地須臾滄桑變龍髯不可攀詔書絕賜環餘生未畢

聊緇冠君恩常戴敬亭山

真州李氏節義詩

五姑行 殉寇難

剛風吹月桐閒來瑩然下照冰井臺照見纍纍骨五堆

土花漬血凝青落海枯石爛蒼天哀

義僕行 代主死

人間昏黑游長夜王侯姓字塵埃化苟報主恩死索罷
睜睜眼不刀頭怕白日當天雷霆下

俠哉方叟行 美武進方敬亭也

天塹設長江流忽自小孤山下擁入城石頭鐵鎖久中
斷年年蘇臺一隅烏啼愁咸豐十一年倉卒變至常州
府武進縣縣人方叟敬亭隻身行義于其間賊亦不能
殺兵亦不能掠官亦不能用惟有避難老弱婦女長跽
乞相送俠哉方叟腰帶劍手挽舟賊中出入不敢或休
死負其骨生脫其孤一錢不受懷有千金書使母知有
子使妻知有夫俠哉方叟武且仁年七十膝有兒與孫

兒能讀書早著秀才巾家有梧桐生新枝老鳳夜率百
鳥集隱受天露滋階前又茁九莖芝祥雲繚繞仙風吹
扶搖鳳望雛高飛俠哉方叟今罕倫今之豪傑利但專
已害不問人蠹祿糜爵惟愛身豈無人心而不愧君與
民於虜方叟真罕倫

平涼行 美丹徒宋沂也同治八年八月十二日死回
寇難長子庚長先期行庚錫方九齡亦免難妻鄒子庚
祺女蘭貞其家同死者十二人

平涼城頭秋月懸平涼城內井水寒一家冤魂相聚語
不死故鄉死逆旅君不見丹徒故諸生姓者宋沂其名
當年曾無一命榮奉母避寇奔關隴胡爲回紇亦復攻

此城母在兒敢死母亡身可輕太守片言感知已力禦
半載期功成皇天不青雷自地鳴以身當城城忽崩頭
顛已墜刀猶橫孤兒天許脫程嬰婦女亦荷 皇家旌
職官百拜祀薦馨金山祠廟魂歸處不盡長江萬古聲
霜烏篇書程母傳後
白楊樹霜欲飛烏夜啼游子悲聞有萊陽縣尹母賢世
所稀母賢何如昔在道光之酉年侍夫疾涕泣懸出室
復入室袖刀割股願代以身陰霾雲慘白日寒君已矣
何生爲君有兒誰教之廉飭窮慎斷獄終身行兩言足
於瘠母存卽父存於瘠子賢卽母賢我心一何戚戚爲
作此詩天下人子當奉母儀

詠史五章

惟昔神武主好大而喜功平隴復望蜀頭白兵計中數
世必起費乃至國帑空當其開邊日貫朽粟陳紅
華夏雖極大一狼走千羊飢渴本不耐而滋它族強欲
取且姑與金繒漸輸將如以肉餒虎肉盡時之常
漢末至桓靈鬻爵西園始晉武有直臣私庫盍早止既
以貪進身豈能廉律已紆難而毀家古來曾有幾
科目仍選舉讀書人才出惜哉霍將軍不學而無術折
節周三害卒能血戰殉相如與揚雄文章是何物
富貴乃丈夫大抵婦人見求退且無地要官胡可戀功
高固震主衆忌亦得譴我愛田子方安往不貧賤

陳古

蔡京給君實寶參愚長源君子誠可欺亦在謹其端小
才無足賞小信不足歡經術尙緣飾詞章徒美觀誠心
付公道耳目未容偏曲從上所令不貴其苟難一人儻
誤用天下基禍根

夷吾出于囚呂望隱于市粥菴有霸才賣漿有奇士傑
哉周戴儻少行衆所訾一旦立勛名忠孝震四海伊川
可經筵孫復宜國子柏耆與辛讜平賊良有以汝上白
老人治河策亦偉求才宜何如請自布衣始

結交一章

大梁莽男子九歲弄文翰三十未成名忽忽更患難幸

結天下交匡我中不亂燕趙誰清才孤鶴來天半豐潤趙菁

衫南國常侍孫徵聲發殘硯王郎抱琴心獨寫古哀怨

武進高麗西江文章區衍談奪虎變安福鄒樂生鏗鏗守遺

經尹翁老能先永新尹湜怪哉蜀中龍鱗爪時一見溫江

王冊最少濟南生海日鞭金絢郭蓋後出會稽李筆亦

凌雲健李少連秦關大俠薛劍氣上河漢韓城薛曉湘揚州宮

弟兄脫刀首貧賤宮子行走也提一軍短衣敢為殿平

生望道心相期在狂狷

讀顧亭林先生書感而有作

寸心天萬世六合清明開風雲積時代日月相往來地

維隆西北萬里山橫排中突一華起渾抱洪濛胎河水

天長寺少卷上

昆侖頂畢氣吞江淮方海司出納全脈爲之回土不遇
三代賢愚齊塵埃反望古制復假手凡庸才清時召不
臣老病完衫孩冬青屢相識夜哭臣麻鞵淒淒春雨苑
獵獵秋風臺匹馬倦天下箸書空餘哀

湖上有老桐一章寄高子麗中
湖上有老桐一夜秋色定我對念故人詩境愈蒼勁風
霜自天來受之以爲命愴然發商音寒琴帶至性最怖
當世才往往以奇競誰能輔吾仁少年狂大病堅苦成
節操遠企亦恭敬

偶憶

南韓與北蔣卓哉兩牧令經濟不自有治民多實政孤

僻寡朋儔古賢內自鏡文字謝時知潛學在性命吾眼

滿簪纓兩君心所敬

吳縣韓仁山刺史
玉田蔣著生大令

東行一首別同社諸子

大海浩終古我行忽欲東登高一長嘯草木多悲風早
年丁患難百感來胸中先人下車處小子時與同三十
名不就遊迹如飛蓬獨遠濟南社老雨秋濛濛

水溝頭

夜半馬足滯云至水溝頭老鵝長羣鴨下上溝水流主
人把火出遠客當姑留入門不索飯但言倦欲休馬亦
厭芻秣橫卧朋村牛是夕九月晦天雨星河收夢覺日
忽午策馬辭前溝萊陽萬山峪有弟堪相投疏食聚鄉

井男兒慎遠游

京國三章

京國客已倦願言趨平陰平陰秦山麓萬徑藏村深
做輪戰亂石回視尤驚心有妹昔嫁此數載遠商參
田家逢惡歲相見無霑襟

再至濟南城下馬訪舊友喜遇三五人湖上重攜手
大旱日無光枯到荷與柳獨立鷗來依似吾十年偶
萬山滿白雲何處追文酒

東行海上境處處聞兵屯竊問兵何爲將以防飢民
壯者負米去老弱縛軍門一粒未到口早已殺其身
須與但少忍長官議振貧

曉坐園中

空階滴宿雨初日在茅屋春去園花稀繁然鬱深綠不
知歲月邁但覺悅幽獨曉起坐石陰新蟬出喬木

二哀詩 哀老友王子梅高麗中也

衣冠起冠盜世平獨罷宦垂暮號天全吁嗟人已半筆
札脛萬里誰爲一飯辦每聞湖山閒佳日開文醺老屋
兀破牀語舊輒先歎醫惟 祖宗朝寰宇正清宴 明

詔屢求賢白衣直 便殿斯時方少年意氣凌河漢賢

王降禮迎屬國繡詩徧才子皆吾徒四海共几案高名

震一丞人事草芥賤詎分七十餘頓成身世變銘冷生

前墳貌壽死後硯

子梅嘗作生壙永新尹繼美銘之
又以硯刻已小像寄高麗故人子

天厲堅苦操孤孽獨未止一士出賊中宛轉老窮死自
黃東南流勇哉大江水突如烽火來從此無鄉里身踏
額血垂魂在差自喜恍忽日月星反見向地底戴頭定
海東對鏡影疑鬼家室焦土餘塊肉竟吾子發憤更著
書寸腕奔經史琴硯百撫摹時引孤忠起秋風中夜鳴
淒然彫百卉餘生畢悲歌直下千載涕詩中有古愁刀
外無知已

春至登州訪紀晦愈先生歸來旋聞其歿

三年遲我至去後心愈悲苟非一相訪安有重見時流
連不數日遂至長別離湖山文酒社歷歷生鬚眉老蒼
忽已盡風雨高天來

維縣展郭靖侯墓並示其弟湘帆

東萊有名縣城外環長河緬自乾嘉來甲第如雲多郭
氏冠帶族方伯尤峩峩才子字靖侯意氣青天摩年少
富文藻遠應鴻都科識我韶齷時脫口爲我歌稱我工
詩句許我同切磋忽聞客宦死渺矣滄江波招魂向君
里春草迷山阿惠蓮念夙好酒肴以相羅同車詣新墓
感舊先涕沱經史勛名世雅意昔如何志業媿知己歲
月其蹉跎

渡濰

荒沙流不盡濰水恒如斯臨風懷昔傑赫赫奇功垂兵
法本無定因地以制宜假王一自請鐘室禍遂基漢恩

誠非厚臣鑒須在茲樹勛千古分何事要君爲

惟嵩有閒氣一章追述項城袁文誠公遺事贈張景樓

刑部

惟嵩有閒氣類產天人姿自非立偉績安見名世奇項

城袁端敏先朝曾督師哲子文誠公忠孝秉臬圭吾

父齒差長同歲籍金闈對策趨前殿見許天下魁外

出爲縣令贈別公有辭丈夫苟報國授職無尊卑公

遂直史館天祿書咸瘼旣佐督師軍旋命征西陲鸞

鳳翔雲霄寰宇瞻德輝炳然虎豹變四夷驚天威關

隴勤撻伐軍食肩獨仔小子困異旅相召寸檄馳黃石

書未讀敢參帷幄機江海十載閒勛名日月垂羽貂逮

步卒一官再拜辭公車昔初上謁侍頻稱才親助故人
子進身追前徽是時豫州界積疹成大飢陰陽久錯亂
國手豈能醫老龍螫不起誰爲鞭風雷日焚宅自火土
糴田難錐萬頃米無粒口絕榆槐皮物力旣已竭人事
因之睽懷中兒盡粥粃粃餘老嫠親屬尙相割違論醢
與鸞哀死不敢哭夜埋亡其齒存者枯到骨反見野犬
肥大府重財賦催耕詎濟私牧令儻仁愛無柰媚權娃
羨錢民莫辦但任遭箠笞箠笞膚無肉不堪一飽糜臣
恒憤所切上書肝膽披 皇帝立震怒大小服同褫首
下哀痛詔往振曰疇咨倉廩虛莫發戶口繁難稽灑涕
告四方轉挽舟車疲一身百萬命請代呼神祇公竟以

瘁死怨者還誹訾捄荒無善策矧值倉卒時精靈帝左
右至今爲雲霓吾父昔治縣禦寇日登陴先期塞渡口
保障翊 京畿孤忠激熱血所噴蘇瘡痍坐此不中壽
下邑民猶思 恩褒祀名宦公亦新建祠譬如泰少室
相配何崔巍昨逢張太史云爲公所知改官入郎署田
里乞骸歸下式鄉社學上奉壽母慈媿予經術淺同郡
主臬比造化縱神秀以人爲盛衰風教本不做要在身
維持吾聞古君子道大出處齊衣冠或糞土金石非文
詞程邵與韓富景行其可躋

言志一章呈陸吾山先生

凡士有大節出處首當慎本志苟一逸終身成悔吝小

子少孤貧身世交疾疢離亂死生餘磴守尺寸當其
戎馬場智愚同干進旦夕埒風雲奚別鵬與鷄長安屢
上書未免一第溷歸來託冷官且負苜蓿飯偉哉陸先
生奉命領大郡撫民逮流亡拔士先孤獨治平抗吳
公弗獲賈生薦下走亦何才當路被汲引梁園昨致書
爲我公車勸不惜分黃金厚意何繾綣是時歲大冬未
雪先集霰春風一朝來桃李競華炫鍵戶讀周易觀象
莫如良知止終不辱素位外不願平生問何學所獲類
拾攜立言媿聖經植行忝祖訓身獻信不成何事對天
問憶自咸同來四海失清宴近歲民稍蘇天復垂星變
國事需老成豈以書生辦功利實階梯非巧不成宦

操刀更持籌紛紛角屠販豈無數賢者積弊思一振譬
如治亂繩過急則必斷又如御敗車強馳則必僨元氣
資培養大局貴撫鎮嫠婦不恤緯室女倚柱歎先生忠
直操當世所嚴憚但期媿皋夔不屑伍絳灌發憤談時
事或目爲謗訕惟恃此血誠隱荷 帝心眷人生志各
殊原視天所分方者不能圓剛者不能鈍萬衆冒中庸
一夫疾鄉愿率性入仕途焉得免排擯豎儒重感此靜
坐矢焚硯桑種八百株書置三千卷名勝實之恥德修
爵無賤再拜長者前陳詞敢欺謾

遣懷五章答黎喟園

萬言上皇帝歷詆諸公卿舉朝咸動色名世今果生齒

芥受大任論罪誅猶輕何如衡門下枯死完吾貞
束髮知讀書惟在竊上第所學不須深但揣時人嗜浮
詞一見收公然忝高位吾輩老沈淪志趣得毋異

早歲盛才氣陵轍無前人一篇方落筆謂可以千春時
過中漸餒棄置勿復珍丈夫百年內何事勤空文

家國喪亂餘血性平生留歌哭忽無端衆顧唾而走與
至飛大尊頗爲山川友客歸守舊居夢寐來朋舊

死者骨已朽生者長相思一字無酬答恃有寸心知黎
子識雖晚盛業猶予期俯觀江河流仰視日星垂

論詩一章示兒

嬰兒初語言所發動天籟稍長習爲詩便足見志概敬

誦三百篇河源啟宗派怨誹遇可傷刺時聞或戒褒貶
寓微詞春秋義無外屈騷接國風比與寓忠愛漢魏格
猶古六朝漸蕪穢李杜出盛唐遂開大疆界韓公斯文
雄卻喜弄險怪樂天主諷諭質實亦相配宋明逮我

朝歷歷奉著蔡才人今愈多道孰見其大媒語與鄙言
最爲名教害予生少孤貧無學苦文賣觀世類膏肓反
身亦癰疥何事感喟生自罵爲狂吠衰年業更荒呻吟
迄未廢一日不克傳矧敢望千代作此示汝曹吾其真
老悖

人日感懷

兩間郭郭區要以人爲質孰無千載懷而不奮一口歲

三百六句其數肇紀七大易卜陽復卽此例元吉翳我
生之初祖父業敬述二十噉虛名五十困末秩中原羸
勝彝廊清苦無術生民類失居莫佐天陰隲鳳麟臺閣
高下蔑小臣蝨自非魏元成撫時聊憤叱

老木

老木雖久衰中尙餘元氣木實苟自存枝葉乃有寄終
斤緩相尋莫召風雨至

秋日海上望田橫島歌

氣蓋一世項已垓下徂威加四海劉復沛宮蕪表裏山
河不足恃四瀆五嶽之外留此片土乾坤孤田氏兄弟
能得士大于小侯橫所恥五百之人同日死千年魂魄

猶在此霜氣四塞秋浪高蓬萊神仙不可招大梁狂生
放此地登高望遠獨弔古人豪搗禰衡鼓吹伍員簫鼙
劉伶酒歌屈原騷更持昌黎大筆向空祭可以狀汝氣
節之磊磊志槩之囂囂秦創郡縣六國剖青齊餘霸猶
人口酈生雖下七十城此島終爲田氏有烏虜中原戰
伐歷歷爭城功丸泥脫手如亂峯試一長歎比廣武誰
爲監子誰英雄滄溟萬里來長風

海上中秋望月歌

木葉亂飛海雨絕雁聲老入中秋節自非手中酒一杯
誰與共此萬古荒涼之明月蟾兔尙爲仙何況瓊樓玉
宇中有人兮真嬋娟嬋娟復嬋娟竊藥奔何年紅顏不

凋落此鏡遂常圓令我俯仰中心茫然浮雲薄如紙張
之反翳光明天河淺不盈尺織女欲渡愁無船明日霜
今夜露氣候須臾已非故一聲玉笛關山萬重人閒苦
樂各有境莫言此夜此月風光同亂日海之流兮漫漫
西風吹兮歲將寒瑤琴兮獨彈鳳凰不至兮誰假羽翰
袖桂子兮佩芳蘭願隨明月兮望長安

明五人墓歌

盛朝峨峨張御史特疏首鏹魏奄墓虎邱山旁秋草多
不蝕五人會葬處落日陰霾天無光前車轍踵漢宋唐
明祖宮碑久鑿此再傳壞法東廠始神廟毫情少主蒙
斧鋸之用乃假家奴盡芟諸臣工錦右撤防罷經略此

舉遂令明祚終三十二可斬二十四大罪楊左上書徒
流涕豈知世間不畏死尚有吳門男子在突聞緹騎來
燕京白晝香爇如屯星大呼雷動天山崩百姓知有天
子何知有東廠抱頭竄死真鼠黨飛章誣亂亦何冤知
好義者兩好官王著曾憤銅錘擊施全枉使白刃殘春
秋討賊匹夫重不然安得姓字上坳東林傳詔使國門
永不出清流儻賴公等完是時朝廷諸臣無一存存者
刑餘之兒孫刑餘兒孫亦嘗口誦聖賢身受祖宗恩元
氣斲盡國尋滅門戶水火空紛紜一隅偷息或報怨但
有奄豎無君親吁嗟五人乃市人吁嗟市人有五人
濟南大明湖鐵尙書祠堂歌

華山秀削芙蓉孤下有七十二泉瀦爲濟南之內湖盛
世士女姿游眺一掬猶薦鐵尙書明禰皇孫燕飛北功
臣覺盡闕藩國周公直欲攝成王聖賢自古假亂賊伯
巨先見如賈生齊黃乃被家令名正學朝端講周禮口
實猶資靖難兵白溝一戰德州陷湖水暴涌城將崩尙
書有策曰勿恐但見王頭幾落上有高帝之神靈是時
設宴水心亭杯酒已足吞北平犒慰士卒激忠義湖波
俱作蛟龍鳴自非中官漏密機安得大江飛渡趨金陵
烈火膏煎身獨掉此心不二何死生漢晉已事莫須說
王尙有子踵覆轍寘藩宸濠旋見滅生雖未成王楊功
死猶堪並方景烈所恨負恩曹國李盛庸平安力戰不

能死削爵自殺嗟晚矣君不見異日桐城妻妾流環佩

雙雙投此水

明崇禎十二年山東左布政使桐城張忠節公妻方妾陳並投大明湖中

萊陽左忠貞公祠堂歌

君不見范倪諸公死從莊烈帝黃瞿閩粵殉唐桂成旅
會聞古中興况據高皇弓劍地萊陽左公受命行號召
陰聯天下勢天命已歸事甯濟事有不濟以死繼胡爲
同儕先攜貳此身可殺君命不可辱社稷雖亡存名義
什門入北燕詔書拜受禮責先富弼往契丹獻納二字
獨抗言更有元璫弁邵皓經比蘇武被留一一皆生還
元于文山豈遽殺 盛朝遇公恩尤寬漢官亦有夢炎
輩遂令歐刀柴市不得歸黃冠子英縱遣無故主河間

教授亦良苦馬角苟生終須與鴻毛浪擲或失所何如
義取與仁成易名特許褒忠貞公鄉是時節義衆獨留
俎豆千秋馨殿寢凋殘山河改腐螢舞燕皆何在荒祠
日落靈旗寒電掣神光照東海

趙秋谷先生遺硯歌爲徐澤甫作

秋谷先生不可見秋谷二字猶能重遺硯我撫此硯重
歛歔清時遭遇何獨殊聖童負譽在髫歲一官坐罷長
江湖國初以來首壇坫新城門下爭風趨論詩獨與此
翁偕毋乃客氣中未除文章性質天所命宗派差讓阮
亭正負才縱令九州空使狂終爲一生病師友之閒惟
二馮長句亦許吳生工但幸後死稱宿老唐之李嶠將

毋同出處最契石交久笠屐相隨萬里走江煙嶺雨嵩
少雲硯苟有知應回首近來棄擲埋灰塵徐君獲之如
奇珍拂之拭之光采新銘詞入古書有神徐君作書亦
自喜執筆輒呼秋谷起硯兮硯兮汝知已

明妃圖歌

漢時畫工死已久世上日出明妃圖我撫此圖三歎息
前後左右皆匈奴中一弱女子獨坐橐駝車橐駝高步
里無萬千昨日漢殿今日漢關出漢關非漢地風沙四
障雲如蓋昔蓓衰草亦旌旆肥赤走卒牛羊穢生吞鹿
肉蒲桃醉胡婦跨馬來入衛頭戴絨冠不挽髻別有風
姿中華異吁嗟乎君恩不可忘君命不敢違失一婢子

不足惜如何遂長邊人威武皇聲靈在天下票姚名字
何巍巍妾身一出和議定徒令後世陳綉敗紙長光輝
歲暮行

天寒日陷北風惡水上小兒赤雙腳踏冰夜得凍死魚
明日入市口尙託謀生有道非必迂農圃大聖所不如
功名富貴等一飽但免奢望無窮途萬物榮華逼歲暮
陰陽交戰乾坤孤君藏之理古如此失所安得悲一夫
君不見大梁處士性狷獨乞食無才今賣屋

大梁行

黃沙日日孤城長人言此是古大梁我之故鄉今始到
獨立四顧何蒼茫君不見長河流君不見嵩山立乾坤

元氣結中央日夜大聲交呼吸夷門訪俠客梁園尋賦
才把酒更上禹王臺秋風高嘯雲天開今年我 皇整
初 此方才視天下盛洛陽本志策治安伊川宗派希
賢聖文章貴有真性情片語但出知生平我輩期許果
何在豈以虛名得失為重輕大梁終恨難久住看我拂
衣海東去

論交行贈高子麗中郭子蓋卿

麗中名宅暘武進人
蓋卿名翊愿城人

天下山水江南好高子避亂渡江早不然君南我方北
安識乾坤有此老濟南郭五最少年文章意氣真無前
直與此老作抗手畏哉才大詩千篇麟鳳不作宣尼死
從此世上多才子苟非網維在君國千秋萬歲多故紙

兩君才志原有爲堪與伍者何其稀風塵滿目論交道
手酒一卮當屬誰

丁太守古劍歌

虹霓色變日月蝕霹靂震怒塵沙黑夜半恍見古精靈
天風吹聚酒杯側公也好古與神通劍乃不敢藏其鋒
荒廡朽樞有騏驥涸池溝水多蛟龍生不遇時亦已矣
苟假尺寸寧無功當世千萬橫磨鐵持此抗之鋼盡折
倚雲立呼天地心劃江頓活瘡痍血公之意氣亦視此
早出此身佐 天子神燭肝膽鬼物驚策決帷幄豺狼
死丈夫樹勳動萬年姓名豈借微物傳金石書畫玩具
耳紛紛考證如雲煙上蒐尊彝下瓦礫誰親見之三代

前劍雖難辨固已古今爲公有誠得主天下承平罷擊
鼓長槍大戟安足數獨爾劍兮羞世伍酒闌四座看公
舞

狂歌寄王子册山

册山一字澤山名再咸溫江人

不見册山老子眼
中世界渾如狀讀君樂府十餘章
頓令心胸千載曠蜀江水碧蜀山高
當年家在青天上
十獻奇書不見收
此骨江湖任放浪姑蘇城外火燭天
磨盾草檄將軍帳
十萬蒼生痛哭來一人卧向江頭唱
丈夫有劍不殺賊
何如馬革裹尸葬酒樓往往狎優倡
解衣磅礴神何王浪游一日東海東走也
提筆時相向
乾坤龍虎滿風雲
差幸文壇有草荆

短歌送王册山入都

老矣英雄牛馬走三千年事日挂口忽然倒地嘔心肝
起視天下欲援手東風一夜吹行雲黃塵拉雜征途春
下馬花前但索酒醉眼看殺長安人

放懷歌觀丁桐孫畫卷

年少有懷彌大塊前古後今無其對思乘天驪趨天河
迴鞭忽掣昆侖外何子撫此圖喟然發長歎二十年前

世肇亂

先帝宵旰御便殿天上弓劍已秋霜四海功

名馬都汗戰場並轡馳雲龍我所思兮兩文忠

謂林公胡公

老臣謀國死乃見九原不作今誰從頭上人人插貂羽

那管腥羶入中土中土羣盜大半平誰獨有心淚如雨

昔聞陳同甫叩關一上書更笑灌園叟貧賤閉門胡爲
乎不如放懷聊自娛寶刀名馬身與俱帶刀上馬行萬
里俯仰天地爲之孤出漢關揖戍卒過燕市起狗屠公
等可以爲丈夫於虛公等可以爲丈夫

道州行弔子貞何先生并示石來

道州之書人爭怪死後我歎真絕倫一生精力聚小技
手廻寸管如千鈞昔年越職一言事孤臣長放江湖濱
此中位置有天意淋漓墨瀋皆君恩兩楚助名天下
冠當代書法不可無斯人蛟龍變化風雷吼陰陽開闔
萬象吞神妙所到已無主網緼太極元化根非公不能
作公字縱令世俗苦心偷貌難掩真可惜老成志業盡

流傳片紙猶生存於虜去年人謗公今年公真死哭倒
嶧山老弟子

關中豪士歌送薛曉湘

曉湘名潮韓城人

一人掉頭關中去東邦海嶽屏藩開近年幕府大官起
無數咄汝青鞵布韞舊秀才來時父初死病牀妻未起
鄰翁相送返自崖勉樹勛名榮故里中原豺虎孤客行
長揖眼底無公卿此身不愛况官爵但見高歌徒步來
去天地如門庭片策功成真反掌滿世簪纓能長往黃
河一水負關上終南太華左右杖龍門劍倚千萬丈長
安豪傑汝雄長獨立西望何浩蕩
中州行贈同里趙金聲

金聲名鐘

君不見程邵許呂下逮湯與張中州道統何其長於虜
可以爲吾鄉山有嵩兮水有洛清淑之氣古不薄磅礴
鬱積代毓材生非其時傷寂寞寂寞何可傷窮達自有
時達當上書經世業令四方見窮亦立身講學名待千
秋知昨遇一丈夫執手便此語叩其姓名知爲中州之
奇士我亦中州人何乃不識爾半世物色滿風塵交臂
相失真可恥趙子趙子今時賢及門諸弟俱少年天地
非大我非小平生要不負其言但使天下人士皆如此
何懼西北朝暮起滅之雲煙

長安行贈陸紫珊同年并示楊君挺之舒君蘭生

紫珊名慶

銜大興人

緇塵日厚東風惡冠蓋縱橫笙歌虐憔悴斯人無地著
久聞孤旅奇氣橫長餓惟嘔血數升膺下短衣出韓信
座上狂鼓撾禍衡丈夫有骨天終不能死風霜水火并
助寸管成時名爲我更道兩好友胸次文章今無右就
中蜀客誼更親飢與同餐渴共酒酒醉高歌市上走於
虜自古草澤多英雄失時埋沒俗眼中一言知已且難
得何況性命能與同親朋盡絕得奇遇人力反若天無
功不然父早死忠母苦節孤兒志業豈竟銷途窮我感
君言忽悲泣祿養此生獨無及匹馬何事長安入

日照丁布衣歌

布衣名良善字少山

大袍拖地雙袖肥寒冬獨抱書貼眉前行小兒指且嬉

道是日照丁布衣人謂布衣拙我歎布衣奇解經惟宗
漢許慎下筆直逼秦李斯昔年遇賊笑不殺此儻饒有
神仙姿濟南逍遙亦偶爾何乃滿耳蒼蠅飛山風亂嘯
海水立龍虎戰鬪驕狐狸飄飄鳳皇九天表安見下界
鴟鼠與蟲雞於虜泰山泗水千載無人誦新廡連棟青
雲齊清泉聊汲荒城西雨晴初市買殘瓦月夜古冢尋
斷碑精神感召鬼神泣風塵真趣更有誰能知

白雲翁歌贈萊陽布衣趙鍾壽

白雲翁東海東無孫無子惟抱寸管日向天外之秋風
作書昔貌諸城體一時好者多葉公人情論古日苛刻
風塵反欲求真龍我聞貴賤原不係名位精神獨造天

無功丈夫立身苟一藝布衣宰相將無同白雲翁盍不
挾策京師中王侯愛士賓禮隆不然渡江託備保貨春
或遇臯伯通古來餓死亦有命黃頭枉據銅山銅翁兮
翁兮手中之管破屋一落豈不高蒼穹

靜海道中大風

大風橫來車倒走沙氣噴天如中酒惡雲四垂黃無垠
白日依然午縣斗豎儒所志非詞章奮欲上書平西羌
僕夫躬睡馬長嘯北望 帝闕心茫茫

自濟南之洛陽別上元蔣紹由膠州柯敬孺鳳孫兄弟
十年交游大半盡濟南忽遇蔣與柯蔣子喜談兵雄劍
時時磨柯氏兄弟學有本名父傳經母口授以詩歌倉

才百不逮促膝共坐猶覺胸中之氣上與青天摩青天
高高浮雲奈何安得滄海化杯酒飲之永不揚鯨波我
將歸老嵩山阿君不見右龍門左大河程邵遺書在漢
唐陳蹟多洛陽花木天下盛手鏟盡種秫與禾 朝廷
拔材日破格致身不必賢良科儒官之職本不小硜硜
斗筲遭譏訶我願三子者蘊學一大當世用毋徒著書
終歲傷蹉跎

徐敷孟畫鷹歌

白日陷江秋氣肅山風浩浩嘯大木蒼鷹欲飛秋羽翰
安知伏處非汝福貴家公子多錦鞬陽雖汝豢陰汝囚
飢飽苦附莫颺去局促反爲羣鳥羞我輩小官頗類此

那能一縱天萬里驅逐肯與狗同功來去不爲馬所使
圖僅咫尺周天寬俯仰四顧心茫然松桂摧枯百草死
狐兔縱橫盡出山

聽宣師彈琴

春雷吼空作飛雨天風吹墮老鶴語深山鳴咽細泉流
暗逐落花出幽渚早知此境非人間我欲居之年復年
平生懷抱向誰盡請聽宣師指上絃

江漢行送澠池張景樓刑部之皖遂游楚中兼呈武昌
張廉卿監利王子壽兩先生

景樓名詠

大江忽挂亂後眼四十年前我舊座被酒南望接天遠
小孤屹立江之旁武昌上扼漢水長西連巴蜀東吳越

天下形勢趨荆襄，衡嶽清淑氣鬱積。魁奇之士何厯厯，
抱甕丈人操誠孤。郤劍漁父誼更特，誰使禰生殉鸚鵡。
至今餘血碧，片土赤壁日夜驚濤飛。中有百萬征人灰，
庾公高樓古明月，白雲不隨黃鶴沒。最怪司勛句偶然，
此後無人敢落筆。秋風送雁兮木葉零，橘柚垂實兮丹
桂飄馨。帝子降兮君山，青思騷人而不見兮蘭荃蘅芷。
足相羊兮湘沅，與洞庭自昔粵寇朦朧直下數千里。人
民雖躪風景在一時，名將楚中多益陽之功。冠四海噫
嘻此行才定與古抗山川入胸作奇狀，把筆抒之興亦
壯。文章老輩餘幾人，張與王與君其訪。

光緒十四年六月二十九日夜夢題李文石公子明湖

圖得起句足成此篇

公子名葆珣義州人

十年又見濟南景展圖使我魂夢驚不知此幅是圖還是夢但見大明湖水涓涓猶似當年青當年我卜湖上宅湖水朝夕之所經公子清游不見我能姑述往槩勞君聽南坏岱麓東勺滄溟紅雲一朶北拱 皇帝京西湖古稱天下勝不如此湖內環城城頭矗傑閣四山開錦屏匯泉寺左鐵公右中央云是李杜亭自有天地卽有此湖水何以李杜而外游客都無名我之同游客最盛一時文酒真縱橫老狂杯擲鷗鷺躍少豪歌起蛟龍醒况有畫裏蛾眉伴我讀書者記曾珊珊環佩來向闌干憑汝采菡萏我掇浮萍浮萍前散後仍合菡萏朝

天村言金卷一
艷暮失榮美人名士皆何往尙賸清風明月送共天涯
三兩星昨我別湖水湖水應不平聞道鵲華山頭流民
滿翻疑鄭監非窮形胡不持此作圖獻萬里燭照原神
明年來河復大梁決隣災相視孰重輕一朝功上天
顏喜 賞官千級 賜祿萬鍾真覺僊人可致黃金可
成河亦終古清世事遠近漫漫託慨游蹟今昔難忘情更
續殘夢寄公子隔簾銀漢秋痕生

賤儒行

咄咄少年落拓江湖歸坐一甌老天壤置我安用哉廣
文官卑職最重 朝廷元氣需栽培以人事君學校始
吏治經史爲之胎近來師道等市道賤儒坐受諸生咄

學俸經年議莫決一錢費盡儀秦才富家驕慳反相劫
侮弄老子如嬰孩小胥中間更狡譎肉私噉盡肋餘雞
心計雖巧不如馭與僧口舌雖佞不如優與俳陽城胡
瑗不可見宣聖所云斗筲之人無乃皆吾儕我不慣此
自取困餬口無術空徘徊一身莫恤矧家室日聽婦罵
兼兒嘯春秋大典崇祀事犧牲不備蘋蘩微昨徙羣廟
神豈享餘臭三日蠅滿街我欲正之權不屬所司何職
滋疑猜況當淫雨沒田舍身卧向來敗壞之冷齋嚴牆
一立古所戒夢回夜半驚山墮天以窮厄鍊吾骨陰陽
那許戕形骸君不見河水決戰場開三十年來海內多
奇災駑馬揚塵翳日月小魚跋浪騰風雷千秋大命在

此筆猶能傲睨一世獨吐平生骯髒慷慨之奇懷

張靜娘曲

余之初識靜娘也卽贈以詩歌稟佚僅憶起句于時掖
人林象蔡爲作授詩圖同人題詠幾盈卷予集中豈可
無是詩哉今靜娘之殉忽忽十年矣足成此曲殿圖末
焉

女郎抱書坐一室怪底男兒盡投筆虎頭燕頤誇封侯
蛾眉肯作鰥生匹女誠班大家樂府秦羅敷夜把漱玉
小詞背鏡讀聲聲秋入窗外之蕉梧我聞古來士之奇
不奇于玉佩與瓊琚女之美不美于翠羽與明珠擅左
鮑之詞藻而丰韻遜負施旦之標格而才調殊秀睽一

顧足聲價何況聰明意氣絕世之所無憶我年少日萬
口唾狂奴湖山壇坵主文酒海內才子來吾徒紅顏更
得一知己畫師辛苦爲傳圖前席百拜侍講畫風塵立
許千金軀寒士快意有如此人間萬事等雲浮奈何小
別病魔始坐付韶光如流水長安下第初歸來捧心及
向郎前死妝臺鏡掩十年春玉簫何處尋前身莫歎朝
雲不同老千秋一幅卷中人

老犍坡行 美前河汝陝道孝義陸公之政也

虎牢關險設自古一夫當前萬夫莫用武至今俗號老
犍坡下者猶易上者苦升如天高沈若淵不見日月惟
見土蛇盤中徑狹以長互數十里力穿弩方聞頭上叱

牛耕旋驚腳底出人語來車遙遙不可覩驅之驅之莫
出戶雲色四霾颺雷鼓萬丈飛泉挾風雨客等浮萍一
漚聚漂入河海那得取譁天何處且安所坡巔似見屋
數椽因山作壁何其堅人有几榻馬有櫪晝容潛伏宵
堪眠政之經世豈必大卽此已爲行子賴衆云此乃觀
察陸公所創爲我聞此言欲下拜不拜公拜吾皇惟
願任公廟堂棟與梁大廈可以蔽八荒徧平邊徼崎
嶇之路成康莊

明項胥樵尙友圖歌

尙友圖者明項胥樵追憶其平生師友而圖之者也有
五老焉首董元宰宗伯次陳眉公徵君又次李罔卿魯

史釋秋潭末一人卽胥樵也胥樵自題圖作于壬辰
時老五惟竹史尙存在 國朝順治九年殆所謂滄桑
之餘與胥樵名聖謨秀水人以布衣老然則斯圖之作
其寄慨者深矣今藏河南太守文煥公家出示家琪家
琪爲作此歌

元明以來論書畫趙吳興後董華亭吳興遭遇微不幸
天壤落落齊垂名項君華亭之弟子並友眉公與魯李
論交復有衲秋潭至今猶見聚一紙圖託尙友果何爲
六藝弗貴况名位是時貂璫之燄正熏天忠臣烈士立
奪氣黨禍雖不附左楊潔身遠引亦吾義宗伯故是東
林賢乞休再出還歸田况如徵君卒不起優游天許同

高年柰何運代去太速故國山河空滿目風塵獨立衣
冠非傷心豈爲交游哭我憶少日尙文采開樽結社遍
四海三十年間半死亡鬚眉一一眼中在恨無妙筆代
傳神輒來夢底重論文出處大節但不苟安必我輩非
古人後之視今今視昔平生要貴白心迹縱使才華邁
等倫糞土棄之嗟可惜於虜項君項君名賢徒晚節猶
託殷餓夫一時邢米皆千古愁絕當年張瑞圖

道州筆法歌追懷吾宗子貞年丈卽贈其鄉陳伯薈

滿世俗書競姿媚道州宗丈獨不然鍾王趙董等奴隸
一生惟服顏平原平原忠義貫金石煌煌大節星斗懸
頽籀以來書有統派雖似異終同源丈少守古文弗苟

一畫遂失 廷試元漢飛將軍有臂善射不萬戶數奇
叟亦逃于蝮 帝放詞臣作書聖從此江海多雲煙濟
南皋比擁講舍小子髻角隨翩翩筆法三訣口親授力
弱自恨弓難彎體結以方分各立鋒必先露藏乃圓况
云作書須自作人始區區小技安能傳晚年攜筆向吳
越興來渾灑供酒錢中興功歸鄉後進金陵雜述成詩
篇丈死今已二十載寸球尺璧留人間龍蛇誰使出君
手毋乃衣鉢宗同禪持之入市溷真贗隻字猶直黃金
于於虜一藝之精風氣趨嚮尙如此令我獨立擲筆懷
前賢

廷試策主司擬第一以太行太字堅不
加點遂置十卷後蝮叟丈晚年自號也

久雨歎

太陰氣盛銷陽和魑魅盜枋崇么膺今年元旦逢日食
五行錯逆萬象成偏頗洪範曰狂恒雨若自春徂夏何
滂沱雷一鼓兮飛盡屋上瓦風一吹兮拔盡田中禾陽
侯倚勢更肆虐濤來白馬直挾山峩峩下有萬里容不
滿之滄海上有萬年流不竭之銀河海不能變桑島河
不能洗兵戈我聞 國家以民爲根本遑忍驅之策之
盡化黿與鼉皇天心豈不仁愛或者羣靈百怪左右熒
惑多迺登高而望遠九州八極滔滔已皆是胡爲乎闡
闡之表朝吐霧夕降虹晦霾譎幻爲之激浪而助波安
得赤手獨捧紅口出但愁鼇柱一折亂石欲補無女媧
汝南此時薪楚漂沒粒且絕縱彼千金之子溝壑填頃

俄君不見長者蛇屈者蠅
旋者蟻旋者螺訓狐啾啾于
惡木猘猶狺狺于曲阿鱸鮓橫行莫敢侮蝦蟇之屬亦
復相與鼓舞而婆娑迷陽荆棘莽四塞坐令蘭舟桂楫
窮不知其所過神聖不作大訓在人生有命匪由它汲
黯張湯難共任江都平津羞同科卽今豈無仁經義緯
匡時輩少壯已矣况蹉跎窮老腐儒破屋底猶能撫劍
飲酒忽爾痛哭忽高歌於虜哭亦不須哭歌亦不須歌
雨兮雨兮可柰何雨兮雨兮可柰何

漢張良銅印歌

項王剗印不出袖英雄盡入沛公穀留侯亦復從自留
獻策輒悅歎天授侯家先世五相韓報仇豈不起華胄

柰何一奮博浪椎祖龍不中中車副大索十日匿圮橋
老父何煩孺子候豈知少年盛氣不折不成大勳正
如病狂須鍼灸納履便可帝王師不獨兵法書中售我
願假侯權四擊不庭廓宇宙又願乞侯書捧向大廷首
敷奏惟旣失去書亦亡何來此印爲侯壽印兮豈是侯
所珍方恨中原未靖寇三寸舌掉亦何奇論功差免伍
人獸淮陰鐘室廷尉何傑並當時獨躬宥偶然借箸印
趨銷至今六國遂莫後孰代昌者無易堯御史印且付
非驟可憐漢璽擲婦人莽操遞嬗命不又吳縣中丞今
之侯可古不惜兼金購寶如拱璧什襲藏豈徒文字追
更簡於虜振古以還纍纍之印若若綬後或居上新閒

暮躬蟬拜賜日以多頗有圭璋出徑竇加侯智勇果幾
人一例留遺祇銅臭

茅屋謠聽江夏吳翁語少日尋親事

翁名藩字倚琴

汝南城大多茅屋中有一翁老且禿翁早無家更喪妻
三十年來惟獨宿風狂之子昨又亡差喜尺嬰出婦腹
翁頭雖白猶如兒有母夜夜夢見之夢見母忽失虎狼
四逐風雨疾夢見母忽還烏鳥投懷明月圓萬里干戈
雜人鬼相逢一旦天幸耳不見城中白骨堆豈獨君家
有母子忠孝所恃在寸心母今墓草荒煙深胡爲客老
不歸去薄宦那足供浮沈翁少從戎大江濱樓船旗幟
高風雲中與侯伯滿眼底爭誇終賈當立勳只爲母在

身未許不然督八州封五等豈至老爲蠻語一參軍參
軍兮參軍官雖小兮名早聞挑鎧帶淚說往事使我感
傷夜不寐

韓將軍訓兵歌 將軍名立本懷遠人

漢有國士曰韓信隋擒虎暨宋世忠將軍毋乃是其裔
膽勇智略何相同我重將軍在文雅說禮敦詩真儒者
霜氣滿天秋月高刁斗森肅風怒號虎帳一聲令突下
星辰四動旌旗颺峩冠上坐訓大義雷霆碎猛懸波濤
識字須從忠孝始讀書要自孔孟起吾曹不能身爲衛
霍生封萬戶侯卽當久滅匈奴爲國死兵法運用妙一
心古今不知亦徒爾子房橋下師太公元凱腹中癖左

氏不見夫出玉關標銅柱斬郅支頭傳樓蘭首歷歷彼
獨非男子方今貔獠族類滿中原莫敢誰何寧弗恥儻
不敵愾但虐民罪且無赦功安紀烏虜將軍之訓誰不
聞經生相視皆何人窮時伏几牖下殉螢蠹貴來垂帷
輿內學釵裙縱令四海承平長槍大劍盡無用口賦競
病亦應羞殺中書君

蘇文忠公生日歌

得古字

草昧天造糅黃土衆萬歷歷祖盤古生日獨讓坡公傳
哀哉王侯將相何足數子由弟明允父師惟六一翁詎
友王介甫黃鼯秦張游其門相從況有朝雲女文章早
歲動先皇子孫宰相才親許天下大計屢力爭那恤主

疑執政怒既不死御史臺之狴圖又不死儋耳鬼門魑
魅禦人間歲歲度此辰君恩猶借殘年補翰林內召曾
幾時春夢遑向阿婆語死生已了患難餘遠謫反詔展
鵬羽嗟我遇蹇未聞道此心自命抱宿莽璜池弄兵水
旱交誰使斯民賦萋楚秩微力薄好大言有似赤子張
空弩憶昔盛會開濟南故人一一角龍虎汝上豈必雋
才無漫笑參軍與主簿胡爲學舍來壽公忘卻今朝趨
官府君不見有宋山河付販賈章蔡殛骨棄何所平輿
子將故里存公乃直奪月旦主一紙畫象懸樓中何以
餉之首筍脯美酒在罇魚在俎少長先後拜且舞天人
儻下真眉宇

江上謠山陰戴守愚元直父子太倉陸孟孚右周兄弟
南游返爲作是篇

我雖大梁人生小在江上宣城一拜謝元暉滿胸詩興
老猶王甲馬苦驅北地來歷歷顏面生塵灰就中敖遊
濟上佳青山影落明湖杯壇坵左右盡龍虎閨房一鳳
尤長眉少年之境詎不樂不分齒衰地墮惡忽聞戴陸
諸君南中還令我狂懷頓磅礴金陵昔爲豺狼窟大江
滾滾日流血干戈已定三十年至今如聞聲嗚咽黃鶴
樓呼不下長庚星鸚鵡洲掘不起禰正平願移焦麓片
石眠千載高隱偕焦先又願翦取西湖水鎮日澹妝對
西子烏虜天下萬事人生那有足瞥眼一過卽大福百

尺瓊樓春夢醒不及杜翁秋風屋君不見蓬萊宮闕高
于天三兩殘鴉嘯暮煙

黃刺史大梁宴客歌

刺史名璟字小宋南海人

世間富貴豈有止不如棄擲金印買酒張筵招才士大
梁盛會萬口傳誰似南海黃刺史刺史本是神仙儔風
塵一墮數千秋彈章忽到大歡喜從此不與凡夫游左
肩畫客李危峯疊嶂斗室起右翼書家鍾飛鴻舞鶴來
庭中蛟螭大壑縱所如笑視蛇蚓終溝渠峩冠博帶盡
桎梏脫身直上崑崙墟咄哉大梁都會人物無不有車
如雞棲馬如狗棨戟門前日奔走雨汗浹背火灼心那
得冰雪文在手不見黃刺史四座多詩人或雲表而笞

鸞鳳或地上而搏麒麟勇猛則昆陽之戰虎豹婉麗則
東山之攜屐裙聲碎磕如崩雷下神怪色斑駁如金梳
出古墳海嶽浮而層樓見天葩放而寒谷春恨我方
獨蟄不得往欲施巨刃擺乾坤更不見刺史胸蟠元氣
吐吞萬象一揮毫而壓衆賓于是衆賓再拜長謝共盡
大罇刺史醉而歌衆賓皆起舞渺往古之陳迹尋吾生
之天真刺史之樂有如此一身且泡電兮而何萬戶侯
之足云

長歌寄孫京卿并示濰縣陳孝廉

京卿名葆田字佩南
榮成人孝廉名世昌

五
字鳳

魚龍晝夜吞大荒江海洶涌風濤狂雷霆下瞰不敢擊

坐沼兩曜無光芒粵自草昧立人極君臣父子爲紀綱
三代漸微迄戰國千喙簧鼓爭螭螭天生魯鄒兩野寥
箸書力救斯道亡祖龍一炬典籍燼諸儒投拾何皇皇
晉唐以降佛焰熾聖脈不絕如籛羊退之建統啟濂洛
經緯日月中天昌門戶忽分戈操室漢宋相角猶朱王
大學在道不在藝吁嗟古本誰其詳格致雖同判義利
漫以口實滋紫陽千秋禍本祖周禮以姦假聖真披猖
荆國新義踵歆莽章耶蔡耶餘波揚况今中外合一轍
後生干進遵朝章海內豈無數耆舊一朝盡化禹與
光亂絲不斬緒莫理稗種雜植年胡康吾友孫子今明
復遺經抱讀泰岱旁一宰合肥抗奇節臬比坐擁成老

蒼大梁客遊阿弟死扶筇獨立懷故鄉東望先壟隔灘
水高躅儻接韓理堂更聞其地多英俊薪火一綫相維
匡杜鵬叫徹春光晚程符山前草正芳

重遇濰縣劉子秀孝廉汝寧獲讀其詩集夫詩雖小道

亦有守先待後之責焉追述師友感賦長歌

孝廉名掄升

昔隨園氏才恢張坐令詩教流俳倡當時崛起高密李

兄弟力以清真瘦削之筆迴瀾狂中晚唐賢圖主客誰

爲入室誰升堂同里繼作單夫子

伯平先生

薪傳吾師王萊

陽

芝庭先生

小子侍師年未冠頗聞緒論窺門牆交徧四海

敢忘本山東久客真故鄉左指滄江

靖侯大令

右柳子琴才

式文

茂才大風鄧五

蓋卿刑部

齊雁行世事反覆三十載平生師

友多淪亡榮城孫佩南京卿不死亦云幸天以碩果鑿冰霜

陳君鳳五工部初識詩亦好傅君少隅孝廉佳句遙寄將學使

師之賢嗣爵生學士汝南玉尺才親量劉君試院來襄校

以鉅集紛琳琅義取國風音合樂詞格下閒參齊梁

來師古在神不在貌百代宗派猶瓣香近今學術尙險

怪論史別有奇肺腸窮兵括利誇漢武焚阮上欲功秦

皇箸書且敢侮孔子法令安得不管商何況孫卿名更

詭直黜聖制崇殊方晉人罪猶浮桀紂橫議何似談老

莊夏滌庵工部交府獄紀與阮其言雖過心實傷乾坤大道

塞榛莽一小技自等秕糠嗟我衰病舊業荒每思師訓

源霑裳師友死生之誼尙相負焉能報 國恃此區區

之文章滄父但率胸臆語醜女不慣時樣妝案頭甯作
螢蠹腐奚事朝墮蠅而集溷暮逐蜨而尋芳岱之色何
蒼蒼海之水何茫茫劉君劉君寶汝風塵無價之美玉
後賢歸待名山藏

明劉忠介公海天旭日硯歌

乾坤流血龍野戰虞淵日墜滄海變有明屋社三百年
人間尙賸蔽山劉公之遺硯巍巍公固道德儒濡毫吮
墨乃其餘登朝首奮擊闔豎高顧共結東林徒上書治
本談聖學小夫能不譏爲迂何況是時奸相秉政滿朝
若長夜罪督誤國更致滔滔盈華夏東方未明屬趙公
幾人曾見日輪大北都已陷南都又入歌舞春惟公草

莽稱孤臣內黨外鎮圖報復刺客屢遣何遠巡毋乃汝
有英靈護忠義公旣絕粒殉國胡爲而獨存門人從死
或遺逸孔廡附祀俎豆新有汝澤猶留公手翼世書亦
口傳久人譜功豈讓六經直使光天之下少飛走君不
見皇州自通遼海船滉莽一氣波濤連百寶坐蠱肝膽
絕誰遑愛重古器摩貞堅我願率土臣心鑒此石一片
同捧赤日升高天

天根詩鈔卷下

封邱何家琪著

今體

有感

落日古神州茫茫天地秋
醉醒在杯酒歌嘯上江樓
飢風空城叫孤雲曠野浮
可憐心不死一片杜陵愁
中原已如此終仗出羣材
力戰無今日功名半死灰
孤軍邊草盡萬騎大江來
南顧憂初釋天顏一爲開

塞外

塞外天無毛羽兒且一行
千年誰不死萬里此長征
白草秋風勁黃沙戰骨平
夜來嘶鬼馬落日漢家營

前感事

聞道邊書急紛紛策馬臨須知求自試俱有報 君心
短甲秋風冷荒墩海氣陰誰爲陳曲逆出入滿黃金
王者原無戰皇天豈不仁要思根本計惟在織耕民兵
器奇千古滯工役百神向來中國患非獨失利親

憶昔

祖

宗世天威達四征近聞盟內劫反欲議銷兵密勿多謨
告 朝廷重老成寄言新進輩未可肆譏評
後感事

罪已回天變禹湯今聖人千年元氣輦一念 帝心仁
飢溺憂同切艱難訓屢陳求言脩政本諤諤有詞臣

苗患非朝夕何人遠鑒明禮亡容示儉獄亂每妨耕此
責首州縣普天同死生可憐鍾釜惠掠眾或爲名
萬里原同井均輸世大和功猶隆敘賞役敢當催科穀
貴爵爭賤民殘官日多爲誣憂國者妙算竟如何

萬國

萬國輸財賦東吳第一區人煙侵地狹江海坼天孤處
處煩官吏朝朝權稅租可知兵燹後民氣未全蘇

登岱

元氣陰陽互渾渾太古天何人一措手磐石五千年野
老談封禪殘碑入暮煙萬株松柏樹生意獨依然

五月朔日蝕

純陽五月朔當午日中臨火德千年王神明萬國心元
精終不滅鬼物敢相侵下土驚天變應思制叟陰
吳健庵初得丞倅至自都

木葉亂山稀霜花繞轡飛相逢一握手來處是京畿昔
者君門近慙余射策非風塵滿車蓋爾志獨官微

贈薛曉湘

莽莽此中原孤行落日昏萬山石爭出亂派水流渾時
事一歎盡詩才五字存君看古幕府惟有布衣尊

讀書

讀書三代後何以位斯身諸葛真名士汾陽古大人華
夸此天地治亂有君臣當世侯封滿吾堪理釣綸

渡河

不盡英雄感臨流獨慨然往來千古迹生死萬人王
浪驚雷走黃沙落日懸舊隄何處是形勢想當年

月夜湖上

孤月水無夜亂山天入秋十年湖海夢一榼酒人舟詩
味瘦新蟹客緣深老鷗平生寥落意容易感前游

過湖寺訪許怡村

一角枕湖寺詩人棲許渾遠山雲駐榻疎柳月依門才
好名能淡交貧古易敦天涯朋舊在歸思慰雞豚

北極閣雨望

閣峭插孤臺門危拓水開人煙千樹合山雨滿城來境

絕飛仙想秋高宕賦才碑陰低首過踏盡古莓苔
秋夜獨坐懷高子

雨歇亂蟲鳴樽前一卷堪中宵懷老友天地又秋聲水
驛荒蘆隱山城落木平行以猶客路應觸昔年情
破寺聞鐘

怪雨吼蒼龍擎空幾樹松前勃干載事破寺一聲鐘佛
久金身壞僧無粥飯供涼螢殘殿角夜夜入飛烽

山行見殘碑

猶是河山迹人間事可哀古今惟片石風雨滿荒苔碧
落鳥雙下青峯樵獨來漸看成沒字到此尙徘徊

夜坐有懷

千里獨游境萬山高卧人海風殘酒夜花雨異鄉春遠
道書無絕交情別總親湖亭回首處綠徧去年蘋

懷宮玉甫

夜角起邊愁人歸萬里游大風吹地轉滄海抱天流下
馬惟呼酒停舟更上樓要將腰下劍早斬月氐頭

懷關中薛大

功名戎馬易衣食故鄉難當世能歸去韓城一薛瀾關
河天下險邊塞古來寒西北高樓在浮雲帶醉看

別族人

故里居三月吾生始有家族人齊奉酒游子又登車寒
雀俱黃葉狂風走白沙昨宵圍坐處曾與話桑麻

鹽山

駭馬鹽山下躊躇首重搔
城殘猶有石地曠半無毛
况復頻年旱邊論市價高
近畿天下本何以慰民勞
檢亡友童栗仲遺札

一雁過江遲春風對酒卮
豈知書到口是汝命危時
片紙在天地千秋餘憤辭
眼中人未死字字有英姿

送薛曉湘之蜀中

天盡大江流蒼茫古益州
不須論出處行矣此奇遊
賣卜君平市籌邊李相樓
宅年風雨夕夢繞海山秋

春雨

大道人煙絕荒年骨肉輕
妻兒生割散天地太無情
夕

照各愁影長河猶哭聲今年春雨足隴上有牛耕
聞高味蓼葬里中泣然成詩

喪亂獨千古常州高布衣驚魂家久棄死骨子能歸江
水沒孤雁春山空落暉東南諸老輩松柏盡成圍
聞韓中之同年自江南赴都並慰其下第

曉雨片帆開春潮走怒雷天空孤鳥下風疾萬山回白
日一杯酒黃金何處臺胸中無得失初看大江來

雨中懷宮子行

木末亂飛葉天風滿草亭千山秋雨白萬戶海煙青侍
母真爲政臨民首慎刑比聞新治美石几愧橫經

寄懷王子捷同年

天遠雁孤鳴蒼然萬木平十年無一面秋水濟南城昨
向驛亭過方知詞客名京華試回首樓閣五雲生

奉郭松喬先生

少日曾聞道窮途浪逐名無成今老大真覺負先生言
念舊遊客依然湖水清圯橋重下拜敢忘授書情

贈掖縣翟式文湖上

海駕萬重山松風日閉關忽吹白雲出片影鵲湖閒客
榻漁家溷詩龕石佛禎高堂盼歸雁整翮早秋還

檢靜娘篋

總是傷心物如何著眼看留遺能有幾莫復任彫殘自
此砧聲斷誰憐客子寒病中衣手製紅氈可曾乾

答同里劉大令 曾寡

孤隼矯風塵誰堪輩此人相逢罇酒下同產大河濱吞
吐一時傑才名千載鄰行藏雖異轍所得總清貧
讀陽湖沈星府津門惜別圖有感

一水控神州蒼茫煙雨秋地開蠻賈市天擁海門流形
勢古如此當年我舊游向來憑眺處兒女總閒愁

贈丹徒唐少秋

京口江山勝胡爲賦遠游北來風景異未免故鄉愁芳
草金陵古霜楓鐵甕秋依人成底事醉後一登樓

歲暮送星府

歲暮去何依飄零百計非才高容見忌親老未能歸雪

莽荒山冷天空獨鳥飛狂奴誰不識夜叩酒家扉
送金扶青歸葬桐鄉並攜弟應試

淚滿大河流先人此宦游直隨春雨浪灑上浙江舟憂
患少年幸清名天地留幾家文筆在花萼並高樓
得趙菁衫書並所著青草堂文集是夕夢菁衫至

涕泣夢中至但言時事艱中原幾人物河海總波瀾官
起憂應重民窮政在寬便看文字業雕鉢出忠肝

丙戌中秋望月憶弟並海上諸故人

兄弟怡園夜開筵數酒籌那堪一回首已度五中秋明
月猶如昔何年繼此游故交三兩在重與訴離愁

鄭州

曾是經災地行人掩淚過村稀平野大河近惡風多沙
漬不成樹荒田初種禾未知牧民者生聚政如何
秋暮大風雨晨登草亭有作示沈星府方罷試京兆
萬物忽焉老蒼然秋色多孤亭莽風雨俯仰動悲歌時
勢那堪道文章將若何浮名真細事相約卧煙蘿

萬室

萬室流離日千官會合期昊天方降禍若輩正逢時土
貴金翻賤薪高地盡卑河清如可俟囊橐亦何爲

伊闕

青天忽一束何處兩峯來佛滿石餘佞碑存劫不灰龍
飛泉竅出鳥奪洞門回終古多風雨蒼茫立碧落

送徐養齋歸揚州

一葉下高柯涼生洛浦波秋風孤檣遠明月故鄉多骨
肉中年感交情醉後歌紅橋重過處祿事近如何

秋感

不殺自神武秋陽猶似春姑容非種久坐使我民貧權
假機難斷時危誤况頻從來天下事痛恨在因循

聞說諸勛貴當年善用兵精銷餘暮氣邊靖仗威名孰
使後先盡真教悲涕并豈無孤柱在坐鎮擁旄旌

齊氏姑濟南陳氏妹京師孫氏妹平陰舍弟家珍萊陽
同日書至時有邊患悲喜交集感賦一章

四處書同至猶如聚一堂忽驚時幾易輒下淚干行大

地闕河在浮生日月忙但悲泉路裏問訊獨茫茫

遼陽州三首

直下朝鮮國唇亡齒並亡坐驚數千里不見一人當
列聖赫靈在孤城天下強千年陵寢土保障有金湯
百萬徵兵集其如不戰何微功猶見忌帥意本私和舊
部酣嬉慣新軍乞匄多紛紛溝瀆死不在執干戈
何物韓邊外公然敢用兵大官備文武小賊獨忠貞驕
敵欲終郤內奸先使清徐公真妙算可惜牧州城
不信

不信彈丸地猶是大捷聞孤忠如早鑒寸土豈容分國
恥終思雪人材幾出羣津門誰仗鉞百萬久屯軍

輓摩師 摩師卒于正月二日是夕予夢師至榻前曰
西方有淨土逾十日又夢同游古寺異哉

坐卧皆屍冢吾師獨涅槃要知成佛易還是作人難一
飯此生累孤琴何處彈夜來如覺我垂老戀微官

淨土果安在斯言豈妄傳九邊流戰血中國逼腥羶世
界空花影人心浩劫天可能真解脫不結再來緣

自我昔游雒論交情最敦相從頻鬪句小坐輒開罇白
日去如水青山春在門禪房重訪處回首一聲吞

三夢摩師梳髮指手植竹樹曰吾于草木且有情也寤
而紀之

本是頭陀相綠何髮忽生絲絲如繫俗世世不忘情萬

古山河在三春草木榮冷園落跡長尙望短筇行

古愁

駿骨駑駘役蛾眉惡女仇敢傷當世遇獨抱古時愁玉
宇瑤樓夢空山大澤秋豈徒才命左萬事總悠悠

秋雨陸耀澹書來云將重訪遲之不至

秋雲連汝洛雨撼亂山墮之子方行役前遊肯獨來衰
時徵晚節薄宦見清才坐待孤亭暮荒園滿綠苔

元夕詠古

酒半奪雄闕奇功只等閒一軍初唾手四座正酡顏自
失邊陲地今無尺寸還如何千載上苦爲賦平蠻

吳生芋僧自汴歸雜以近文寄示且以書述憂病狀慨

然答之

久已無生路况聞眾謗傷豈圖窮博士賞汝大文章客
困親需養時危論忌狂少年身有待莫但殉名場

聞山東巡撫李公罷歸

豈是壞長城無如海角兵若教留保障反恐敗和盟時
局真危急 朝廷幾老成羯奴休便賀 聖主有權衡

感事

明誠傳聞異翻驚號令新無魚猶竭澤救火卻添薪後
進爭言事奇謀但利身中朝權孰握念此獨傷神

哭弟

正月書猶在旋驚二月亡今生兩兄弟一別廿年長痛

極反無淚病餘還自傷行將收汝骨歸葬母墳傍
遇薛仲超文學兼懷劉艮生先生

瀏陽傳學統弟子被餘風氣象皆儒者文章異俗工君
方游太室獨立在雲中隨處足吾趣休傷世路窮

重游大明湖

不死終來此其如別恨長已稀朋舊輩况失弟兄行時
節仍飛絮湖山正夕陽老鷗如識我應笑鬢毛蒼
用鄒君韻贈西華令舒敏之

提筆追斯籀何知鄧石如碑殘補秦碣鼓斷續周車書
法只餘事吏才原早儲正期膏澤降不獨麥苗舒

先朝

先朝天命武功恢累世曾傳絕域開直拓西疆三萬里
一時多少出羣材江山莽莽中原大歲月堂堂壯士哀
未死誰能料窮遶獨披風雨立荒臺

詠懷古蹟二首

草堂歲月猶開寶萬里旌旗落眼前何用丈夫身許國
祇憑野老哭回天死生親見收京日今古同悲出塞篇
滿地江湖問歸路百花潭水夢無邊

浣花草堂

雲中攜到驚人句千載風流第一樓白日長安全在眼
青天蜀道獨昂頭後來狂客才誰敵生不同時我竟愁
當世騎鯨仙再返洛陽無路問糟邱

太白酒樓

野望

日陷雲昏雁叫愁關高邊圯大鵬遊十年蕭瑟棲孤旅
萬里蒼茫赴獨樓老樹薤風天幕野空山屯雨海回秋
憑闌太息者誰子更對江湖窮九州

過鵲山橋

帝闕風雲萬里開華嚴下界起樓臺閣公賓客多名士
謝傅家兒盡相才四海薦書天地大百年世事古今哀
夜深爛醉無人見唱過鵲山橋下來

感懷示高麗中郭蓋卿

中原兵馬猶征戰骨肉江湖半死生身世到今宜痛哭
文章不貴有時名感恩末路餘奇氣噉飯荒年媿力耕
俯仰乾坤惟兩子共余貧賤託交情

寄贈王冊山

朝登十萬卷書樓暮下長江千里舟此氣盡吞天下士
有時從食小諸侯一生那解起鄉思兩鬢新看多古愁
痛飲不言惟大笑眼中何處是滄洲

大學士倭文端公輓詩

每聞天上老臣謝輒哭 先皇顧命年司馬中朝真宰
相伊川重任古經筵遺章垂死心同見後輩無師道待
傳嗟我何人比遷史執鞭竊慕晏嬰賢

讀朝鮮李君藕船與王子梅先生書感賦即贈先生

畫戟龍門諸老盡江山人事久蒼茫詩魂曠託吳中早
旅食年支慙下長文舉平生滿樽酒幼安晚境一藜牀

差憐海外交情重萬里相遺書數行

書感

袞袞當時楚國材魚龍逐隊大江來十年戰伐英雄盡
萬里中原幕府開海月明珠沽口市春風殘雪雨花臺
祇今獨弔曾丞相落日鍾山無限哀

聞人述張忠武公死事

年少刀橫白玉鞞向公隻眼拔登壇死全晚節真周處
天慰忠魂斬賀蘭軍次石頭降賊出眾虛朝食唱籌難
如今吳越銷兵氣賸有萇宏血未乾

讀曾文正公集

湘陰章奏重胡公會相文章亦自雄使節命親受先

帝邊愁天竟瘁臣躬北門管鑰 中朝望南國旌旗第
一功况育舟師遺善策精魂終古繞江東

題汪允莊明詩選

一朝詩卷復唐風海內羣推七子功格調依稀難脫迹
交遊標榜易無終中州天地餘元氣萬古文章有至公
莫倚後來責前輩如今壇坫問誰雄

別宮玉甫

目窮弱水三千丈夢滿羅浮四百峯每見登臨多感慨
不妨詩酒慰心胸英雄氣奪桓司馬兄弟才高陸士龍
聞正東來予又去秋風儻約一相逢

上曾河帥

五丈原頭大星落武鄉不見淚霑巾

謂文正公

人材古說三

湘盛忠孝家傳一脈親

先帝遺憂猶有在後來任事

屬何人四方俱靖謀休置願向明公獻徒薪

初春自萊陽入都

海城酒醒日初殘襪被單車路杳漫魚覺春來冰畫縫
馬行山背雪噓寒空談文字千秋易滿世功名一飯難
有客棄繻應自笑獨懷何策向長安

哭高麗中

忽聞老友沈州喪客夢驚回咽淚流一飯艱難耕筆命
百年生死戴刀頭詩歌歷下湖山社戰伐江南草木秋
此日歸魂先壟畔莫從離亂泝前遊

感舊

梅老菊生高味蓼當年氣誼最相親
兩間能得幾知己一歲況亡三故人
交道至今書遂絕夜來入夢貌猶真
分明死別還遙望獨倚層樓大海濱

懷人詩

抱書遠自楚天歸萬卷翻餘馬正飛
苦志竟成諸弟學箋經真挾古人微
洞庭湖上白雲渺不夜城邊黃葉飛
宮錦方披親不見好將衮職補春暉

孫佩南榮成

亂山老樹遠江流畫幅高懸客卧遊
家法真能傳一技吾曹此亦有千秋
春宵蠟淚侯門宴白日蜚樓海國憂
聊託微官豈初志十年前已薄貂裘

湯蘭生門墨

謁宜良嚴秋查先生墓

綠遍江南春草天當時詩句至今傳
五陵裘馬名公子三月煙花舊少年
賸有蔡姬依白雪誰令斯立老藍田
改亭修墓千秋事搔首新碑夕照邊

時卽墨令宮本昂爲建碑

紅葉

百花爛漫冶春過二月風光時幾何
大造飛霜同雨露玉林落日老闕河
蕭疏北苑丹青筆古艷南朝子夜歌
但望吳楓莫回首朱欄江上夢痕多

陳伯還建康豪士也遇于萊陽投之以詩

扁舟夜下大江潮夢貼孤帆萬里飄
戍壘星搖蕃卒劍歌樓月碎女兒簫
杯高片席無千古圖裏名山有六朝

莫說東南花事好天涯春雨正瀟瀟

贈趙菁衫

古厯山頭乍闕居此邦相訪况如余十年重下留賓榻
一紙親勞薦土書巖谷霧深藏虎豹江湖浪闊混龍魚
吾曹出處皆斯志豈必歸田是遂初

懷趙菁衫

脫冠呼酒意縱橫散秩何如阮步兵四海勛名還賦筆
重陽登眺獨秋城霜飛厯下旋蓬影雁去淮南歇鷓聲
十七年前吟社在爲君搔首媿平生

望海

天擁觚稜五色霞忽驚蜃氣幻光華百年禮樂元中土

萬國衣冠正一家自古奇才無技藝民生至寶在桑麻
河源漢使如回首豈道今乘海上查

萊陽懷古

積翠仙宮有古松丹陽墳下草茸茸千年唐宋希人物
二水姑尤是霸封海鳥大風荒郭滿梨花春露亂山濃
頗聞勝代多忠節小住斯邦亦敬恭

與上元蔣紹由同年飲酒成詩

秋風夜嘯海回波塞草初黃牧馬過斯世遭逢同不偶
大樽放飲竟如何雲高荒壘蒼鷹下木落寒沙斷雁多
側聽鼓鼙徵將帥未須倚醉獨悲歌

青州懷古

高城屹立控天東，山海提封表裏雄。
五夜鐸鳴前代寺，百年麥秀故王宮。
人煙久已寒秋雨，老木猶能肖大風。
盜狽鳴雞俱寂寞，俠懷杯底問誰同。

濟南旅感

長安花盡滿塵緇，孤客重來濟上羈。
不第庸非今日福，常貧頗有故人知。
秋風海國揚波日，貴宅園亭弄石時。
獨愛大明湖畔月，扁舟相照夜歸遲。

青州寄舍弟萊陽

少無宦興老名虛，吾道下人百不如。
四海同心惟弱弟，十年生計有殘書。
新霜白雁秋深後，古驛青山酒醒初。
客路那堪獨回首，怡園風景近蕭疏。

歸里留別趙菁衫

二十年來鷗鷺羣湖干片影各紛紛無家歸日翻如客
有數交遊況別君世命孟韓千古統天肩嵩岱兩峯雲
吾徒皓首相期事不獨平生數卷文

遇管敬伯司馬大梁

奇才一表動長安更走邊關氣鬱盤百戰餘勛付奴輩
中興大筆出衙官沙驅地轉河聲疾日射天孤塔影寒
自古中州雲物盛與君同上吹臺看

聞關中蘇曉帆談昔年撫寇事紀之以詩

四座箏琶魑魅醉萬重刀戟虎狼雄何來按劍一奇士
叱咤如飛天半虹已見降人歸部落不妨長揖卧山中

華陰忽醒希夸夢海內頗聞論戰功

懷黎唱園

搔首問天人便驚獨行酒市走狂名虬蟬樹下空千態
鸞鶴雲中白一聲腸飽窮愁書尙咽骨餘老病筆能撐
偏予入洛詩才減懷古真慙陸士衡

遇劉南卿先生

雲端獨立氣盤雕歸老林泉白髮飄聊答 君恩培後
進曾容直諫憶 先朝亂花開落春風樹大海升沈暮
夜潮卻喜青山隨杖履壯懷予亦十年銷

書懷

少年被酒氣如雲把筆常思掃萬軍時事正艱安薄宦

名心漸淡怕論文樓臺盛會新絃管山水風流舊履裙
別抱幽懷誰與說掩書鎮日對香焚

秋日遣興

長夏炎蒸鍵戶居雨中天氣入秋初蟲吟砌近添落韻
鴉宿林高補葉疏愛古苦搜荒寺碣逃名嬾答貴人書
卻憐方外交游盛相與談禪徹六如

夏日雨後郊望有感

城隅桃李警春濃杖策郊原訪古松一抹遠山皴雨畫
萬家新麥帶雲春忽思海角資軍實未免邊籌困大農
還望輸財來卜式從今關內踵侯封
病中聞族父奉曾大母大母匱歸自廬江

天本言金卷下
離亂孤兒病久侵直延一息到如今微官幸賴先人澤
歸葬方資學俸金百戰山河千里骨九原祖父昔年心
白頭長者真堪感何日親攀松柏林

病中聞蓋卿刑部殞于京邸感哭一首

鴨子灣前長綠蘋六年卽署不知春哭君直擬奔千里
此念原堪矢百神郊愈迹雖今昔異范張交到死生真
湖山舊社銷沈盡扶病登臺淚滿巾

菊

菊是花中真隱逸至今相對輒思陶孤芳差幸迹能晦
濁世微嫌名太高天地無情留爾瘦風塵有酒入秋豪
從來萬品惟宜淡更許何人一字褒

秋暮作小亭

雨冷風高霜氣道
茅亭獨坐正深秋
塗疲十駕憐馮馬
芻飽千斤讓大牛
才短幸逃時貴賞
官貧不累子孫謀
洛中聊復容吾老
碧水青山可釣遊

聞邊警追懷林文忠公

干羽虞廷曾格苗
漢家兵馬困天驕
老成謀國無今日
夸夏通和已四朝
忽聽西邊來警報
未知此釁更誰招
當年大樹長城倚
何事秋風苦動搖

歸冷園

夢斷蓬萊鷓鴣班
冷園春盡喜初還
縱無高節追東海
應免移文誚北山
老我一生惟澹泊
傲人五鼎只清閒

須思知足直吾道福命何關造物慳

送曾曉亭歸鄉應省試

夜筵酒態見縱橫冒雪平明出雒城四海無人知國士
九重待汝問蒼生劍埋塵土有真氣笛入湘沅多怨聲
好際風雲酬素志吾徒原不薄科名

遊嵩山

神物英靈古降生何人敢向此山行八方齊拱中峯影
千載猶聞萬歲聲日半滅明無曉暮雲爭吞吐自陰晴
道旁三闕摩挲處風雨飛泉石亂鳴

海上

海上風掀萬里波况聞陵寢通蛟鼉西秦共說相張祿

南粵公然王趙佗時務蠻夸今俊傑版圖宗祖舊山
河如何鳳闕金貂客日日單車出郭多

漢家

漢家使出早輪埋國事何人實厲階邊塞界難立銅柱
內廷議但棄珠厓霧消大野思黃帝石補高天仰女媧
鴨綠江南遼水北試望氣接五陵佳

于今

先皇憲典昔嚴森萬事于今積弊深有藥難醫恒弱病
無人不抱濟私心爰書滴滴冤民血宦橐煌煌大帑金
果使天威清內患外方小醜敢相侵

讀靜娘月痕詞淒然有作

天村言金卷一
夙締仙緣萼綠華清如秋水艷如霞夜曾描影潛來月
春輒銷魂不爲花杜宇枝頭今化血鴛鴦湖上舊浮家
那堪斷句飄零處似見蕉窓映碧紗

春初送豐仲虎之開封并追懷黎喟園

濁泥如漆汨夸門絃管繁華車馬喧久客焉知非故土
春風猶識舊王孫黃河白日荒隄在斷石叢蒿廢苑存
莫歎此邦風雅歇把樽先醉喟園魂

冬雪聞孫佩南訪弟祥符有傳其將膺薦起官者余不信也作詩白之

海雲遠盪大河黃雪帶荒沙蝕日光泥滓當途逞辱腳
風波如此敢褰裳危時正賴中流立直節難逃一字狂

自有吾徒千古在世人未許料行藏

雪後憶弟海上

昨朝大雪忽新晴直覺寒從心上生內地已驚皆敵國
邊防尙自壞長城海連近甸無鷹隼春入殘年盼雁聲
不見弟書今五月隨風吹寄淚縱橫

謁朱仙鎮岳祠

當時誰有安邊策一哭何妨向岳王國誤權臣原自昔
死餘遺恨在殘疆兩宮魂魄終沙漠半壁山河幾夕陽
底事金元同覆轍祠堂瞻拜獨輝光

六經

四夸學貴兼充國三策文誰似仲舒變法要須籌盡善

得才漫使不如初士爭一技棘猴巧賈重千金構杓善
從此六經無用處可堪重憶火秦餘

人有言陽湖沈星府客死者詩以哀之

血涌江流骨作堆隻身奉母此中來乘時所養多勛爵
無命文章亦死灰第下卅年猶策蹇罵驚四座自傾杯
秋風秋雨長安道從此應無狂秀才

雪中寄吳生芋僧返州

奮擊蒼頭起一軍雖然戰北氣空羣士窮那有逢時技
年少能爲放膽文師曠臺高河正急梁王苑廢雪猶紛
愛才誰似徐曹縣曾把韓蘇助到君

汝南逢鄒文本

常州朋舊彫零盡與子初逢便慨然才調宜隨諸老後
騷壇怕憶廿年前斷橋柳短荒隄境破屋苔深久雨天
差喜城南一灣水猶堪攜酒買漁船

病中感懷

萬事人間久不任况當老病日侵尋平時最恥干時策
垂死難忘報國心容有王頭爭斷壟更無馬骨直千金
余魂試問招何處歷下亭邊春水深

汝南學齋卽事

汝流一綫接江東邵少春山似洛中餅雜豆腐疑馬料
家園屋小抵牛宮本無師道人誰重豈有閒官老不窮
稍喜荒園三二畝猶堪種菜託英雄

光緒二十四年八月十一日都城紀事

妙齡玉面幾書生一旦同歸亦自驚豈必初心甘黨逆
偶緣異學微奇名大魚久飽鉤翻脫狡兔潛逃窟早成
家國與人況骨肉鴻毛死果爲誰輕

獨卧

獨卧江湖氣不馴久孤志節敢言貧官如雞肋真無肉
老去猪肝尙累人濁酒殘編千古席雜花浪絮一年春
夜來異夢誰能信泣捧封章奏 紫宸

感事贈鄭介亭少尉

拔劍當筵一放歌此才此世便如何官場衆口公評少
天下奇男血性多鷹隼橫飛亦鷓鴣蛟龍鼾睡木衣鼃

子直巖谷今安在我擬相從結薜蘿

光緒二十四年十二月十九日同人壽蘇文忠公于汝南學齋分韻賦詩合刊一紙感成長句

髯蘇生日今仍讌宋畢而還此會稀風雨江山千古是壺觴賓主一時非吾徒未必無才子 盛世曾聞重布衣漫把小詩浪傳播有人感遇淚頻揮

蘇文忠公生日用去歲鄒文木松字韻寄文木

一歲一瞻圖裏容如公真是後彫松生經萬劫仍磨礪知到九泉有蟄龍異代邊氛終未見中朝黨禍昔曾逢幾時同拜人猶散獨薦寒齋酒滿鍾

人有傳天津陷者追憶舊遊風景之盛不覺淒然

天相言金卷下
三
燕南塵土搏車騎春色津門忽撲眸尺五雲煙藏帝
闕萬家楊柳畫揚州廿年久向江湖老三輔難忘少壯
遊管鑰無人流水夜斷腸七十二沽頭

七月都門紀事

紫城月落漏聲催西望居庸四扇開烜赫大官都扈
蹕流離小戶總成灰九重宮殿銀鑲冷三晉雲山
翠輦來自古秦中天下儉守關亦仗出羣材

秋柳

靈和殿裏柳初殘秦隴西巡路更難故事三朝今又見
小臣老淚怕重彈玉關雁影因風遠紫苑蟬聲入夜
寒愁絕六宮回首處一輪月冷舊長安

秋感

秋入高天炎尙蒸悠悠滿耳繞飛蠅時危真覺無生好
病久能教老境增兵火日邊多殺氣笙歌江左自華鎧
諸君漫作新亭泣 九廟神靈正式憑

逢鄒文本

纔喜歸來便哭親年年應悔客風塵一家聚首無多日
四海憐才有幾人絲竹月明孤館夜松楸露冷異鄉春
豈知五十老遊子今尙因君淚滿巾

感都門近事

日光慘淡野風霾東市朝衣一旦皆黨禍安知無孟博
罪名誰敢問王涯同拌碧血魂何感但有青山骨可埋

好化冤魂隨望帝哀鳴行子淚應揮

寄孫佩南京卿

太白星精晝吐鋒北望遙想涕霑胸危時方識疾風草
晚節要爲寒歲松琨玉秋霜真烈士泰山高密古儒宗
吾鄉舊近蘇門住不慕公和慕夏峯

題汪孟平西征草

不圖七十支離變風雪猶能千里行久把榮華讓流輩
聊將老健慰平生杯常有酒天真樂人到無官夢亦清
聞說山中妻子在好期偕隱飯青精

順天榜放賀鄒文木崑並寄金氏兄弟狄蕭諸君

九重特詔開科日四海英流獻策時遊子名成親不見

少年才好妾能知明珠耀目千金價萬馬垂頭一顧奇
尙有方干羅隱輩秋風涕向信陵祠

時借闈河南

歲暮感舊並贈濰縣陳鳳五孝廉

交游歷歷徧東海老始識君懷抱開祭酒儒推齊魯席
訪碑字拾漢秦灰故山社已沒芳草荒驛春還舒野梅
獨羨盛年富文藻 明廷待策濟時才

哭長兒德葆

顛狂已分成貞疾九粒誰教促此生縱乏蜚聲離鳳望
能無舐犢老牛情兩行花燭真如夢一命簪纓枉繫榮
地下若逢兒大母爲言余鬢雪絲盈

王爵生學使臨試汝甯罇酒相招詩以志謝

乘輅星使出長安月旦橋邊眾擁觀師表人倫從古重
艱危時局得才難傳成先德情詞痛交敘窮官禮數寬
最是兩行紅燭夜卻談風雪共征鞏

題鄒文木孝廉繁臺秋影圖

秋赴繁臺天宇空銷魂影尙舊游同柳疏遠岸千行碧
人倚雕闌一抹紅清艷夢猶傳畫本登臨涕易下英雄
如何歷歷中原事盡付河流日夜東

讀爵生學使家傳感賦卽題其後

百鳥爭喧講舍新獨談孝友有斯人誠能格處何生死
文到真時泣鬼神荒海冰霜千古恨高天雨露九原春
開編第一傷心者老病窮儒無告民

奉蔣丈箬生書答詩一章

浮雲滿眼瞥旗旌杖履何人訪老成有子方爲真御史
與兄同邁古耆英風塵志遂東山卧天壤文垂北斗名
一角明湖高隱處閒鷗來話白頭盟

追弔二祭酒

少年酒市始相見三北名場文自奇才士立身終大節
兒曹俗眼豈能知翠華兩度蒙塵日秋井全家報

國時癡絕一生金石癖可從水底得殘碑

王蓮生

宗臣劉向抱深憂好客平原公子儔一疏直言抗藩邸
萬間賜第主名流簪抽早歲才終老書著危時死未休
掌故先朝苦搜輯瀟瀟風雨茂陵秋

盛伯羲

讀平度白澄泉 永修 明經曠廬詩知其同社如董蔚堂

孫康侯光甫翟君素月樵郭蓉汀尙屏臣諸君名若劉

子秀則余舊識傳少隅則介陳鳳五以詩通訊者也

山左論交三十載坐歎我竟此君遺更聞後出詩才盛

益觸當年故舊思萬里邊城鼙鼓日一年韶景雨風時

不孤翟九死生誼 謂式文 尙有湖干鷗鳥知

古渡

孤客立磯頭日暮秋風起四望無人煙茫茫一片水

曉發

荒店一夕寒喔喔雞聲起殘夢繞鞭飛月明三十里

過鮑山

奇才貧賤有世道古來難何處尋知己孤鞭過鮑山
過肥城黃厓山二首

今日楓樹林昔日桃源宅何處白蓮開恐有沈經歷

未盡谷陰血已無過客嗟春風吹不到自化滿厓花前

明獄之非實此言
昭雪之無日也

夜雨

積涇生百蟲向午響未歇不知夜雨過滿徑秋苔沒

山行

上山方作雲下山已成霧出入一峯間變化不知處

周口歸塗作

去日桃李林來日風雨樹惆悵路旁人一年春又暮

冷園雜興二首

屋一二椽幽潔石三五塊嶙峋此中大可老我用世自有其人

無古無今明月獨來獨往清風飲酒逃名元亮著書多

事揚雄

論詩絕句

十九首桃三百篇性情聲律儻同傳後來樂府紛紛唱

但解標題絕可憐

建安風骨只陳思餘子浮葩那足師太白偶然追大雅

仙才曠代豈人爲

元亮胸襟高萬古少陵悲感激當時不知詞賦成何用

終愛香山諷諭詩

蘇黃而後更元虞漫道唐亡詩派殊獨讓劍南忠憤性

中原到死肯忘無

開國青田早啖名後先七子各爭盟亭林豈以詩鳴者

古質真堪殿有明啖名一作奮聲

盛朝文人逸事詩

劉謝高風不可尋徘徊東閣獨沈吟當時賴有斯人在

一片先皇顧命心李文正

痛哭廷階上諫章君恩貫死老投荒插花傅粉歌鬟繞

一曲彈詞淚萬行楊用修

天上浮雲白日昏楊家代疏早聲吞父寤哭請君終許

萬樹松楸盡拜恩

王元美

舊社盟寒句不磨竹枝老費美人歌獨能生救一奇士

千古沅湘哀怨多

謝四溟

帷蓋恩全故舊臣一書手上淚霑巾生前苦諫誰能省

我惜江陵失此人

于文定

狂獄中宵苦孰知藥漿欲盡有餘悲千秋忠孝孤兒恨

祇付餘姚一鉄椎

魏子敬餘姚謂黃黎洲也

落日河山拌此身何因女弟附風塵絕憐椰顧傾城色

卻重陳黃一輩人

陳忠裕明伎柳如是嘗自稱女弟子于公而苦其嚴正淳浦黃忠端亦有

卻顧氏事于此可以知人矣

天授孤兒綺歲才死從君父志寘灰子山一賦江南後

莫更人閒讀大哀

夏存吾

墨灑妖姬歌舞場
蠻娘幕下艷文章
歸來背負孤琴死

南海茫茫古月涼

鄭湛若

荒山啼盡杜鵑春
中夜曾聞拜野臣
風雨諸陵寒食路

一盂麥飯更無人

顧亭林

昭代文人逸事詩

寒霜烈婦表高秋
免洗諸囚淮海流
誰共詩人千古在

梅花明月舊揚州

王文簡

漢家鼂賈久無人
對策明廷孰直陳
魁選吳中甲天

下慕廬而外只章民

馬章民

蠻荒風物早圖形
宸翰遙頒肅典型
常使琉球傳勝

蹟皇華一代卻金亭 汪舟次

奇博當時共不如布衣異數拜 彤除高風真動幹公

歎七品官歸飽讀書 朱錫嘯

下拜吳中孝子師詩人苑豕賴維持少年袖底籌南論

別有傷心世未知 計改亭

一甲親標 龍翰飛名傳文苑素心違擲杯竟懾豪奴

氣誰表當年狂布衣 姜西溟

舉帷講學眾霑衣温厚風詩近已稀落日宣城出色裏

不應仍弔謝元暉 施愚山

萬里西行葬故人荷戈救死批龍鱗還朝 御座旌遺

疏聖代從來重直臣 洪北江

獨援奇獄過江行海內于今走義聲京洛交游生死際
君看歸骨有桐城

張亨甫桐城姚石甫也

聖武輝煌載筆新近年戰蹟接麒麟圖傳海國知何意
我亦中朝積感民

魏默深

江南曲

江南江北春柰何花花月月得春多絕憐百戰干戈後
重聽四時子夜歌

十里一關五里橋船來船去暮還朝江邊新發稊稊柳
折盡千條復萬條

海天萬里浪如山疾鳥飛過半日間自有西船商婦喜
送卽纔去見卽還

望遠曲

翠樓西望路悠悠萬里烽煙未見收
忽送紅旗飛騎過道儂夫婿已封侯

涼州曲

隴水東西嗚咽流榆闕月帶漢宮秋
不須更照陰山雪昨夜征人已白頭

送薛曉湘歸關中

太行西上接黃河淚滿風塵野客歌
短劍獨來還獨往不知天地有干戈

秋望

西風吹老不羈才
亦飄零酒一杯醉卧城頭下白日

漫天秋色萬山來

懷方小東江南

金門昨見使君驂
椽筆淋漓帶酒酣
得失一官輕似葉
滿船書畫下江南

春日郭蓋卿至濟上

春風吹出海中峯
雲氣東來客夢龍
十萬樹花一杯酒
幾人天地說心胸

視王子梅先生病

中原草莽起英雄
誰肯江湖問病翁
惟有蘆花灘上雁
年年相伴哭秋風

書吳梅村集聽女道士卞玉京彈琴歌後

子松言金卷一
渺渺空山入道身
瑤琴一曲悔風塵
那堪被詔金門日
重遇前朝女逸民

秋望思高子

荒山臺畔雁呼羣
大地西風吹白雲
瘦日霾天秋色曠
茫茫江海我思君

遙弔唐處士棣青州

少不高科老不侯
江湖鐵笛日橫秋
忽吹天外孤雲落
千載青州處士樓

夸門晚眺

元氣兩間中嶽在
秋聲萬里太河來
獨看落日下荒塔
更逐浮雲登古臺

東昌郡

大河橫絕東昌郡
寶馬鈿車截渡來
誰識風塵天下士
行人苦問射書臺

濰縣弔郭靖侯

海上詩人郭靖侯
一官落拓死蘇州
我來不見墳何處

白草蕭蕭濰水流

萊陽弔姜貞毅

龍馭當年未賜環
孤臣合死敬亭山
故鄉土有先人骨
風雨忠魂儻一還

秋獵

秋原落日亂山圍
孤兔縱橫草正肥
多少健兒回首處

天村言錄卷下
九天雲外一鷹飛

閨思

玳瑁梁閒燕夢醒
征車正過短長亭
含愁盡日樓頭望
二月春寒柳未青
憶江上舊游三絕句

浮山雨過滿蒼苔
七十二峯花並開
猶記大觀亭上坐
長江萬里卷天來
敬亭斜帶暮雲橫
謝朓樓頭夕照明
少小舊居忘不得
青山夜夜夢宣城

牛渚煙藏江上峯
錦袍采石泝仙踪
孤舟夜泊蕪湖岸
卧聽霜楓月下鐘

濟上

濟上浮家廿載曾績麻課讀夢難徵絕憐風雨秋窗裏
寡母孤兒共一鎧

夸門

大梁興廢古難論日下黃河沙石渾獨歎信陵今不見
蹇驢細雨出夸門

濟南懷古詩

蓮子湖頭弔鐵公誰知俎豆有雙忠更憐參政無祠廟
寂寞樓臺煙雨中

接跡三公衆共知文章節義況人師荒祠秋水斜陽外
零落門前一石獅

布政祠堂塵障遮相將環佩水為家夜深月到湖心處

照見連枝雙藕花

明左布政張秉文死難妻方妾陳何投大明湖中

訪二十四泉草堂

邊李壇高滿賞音隱居秋史亦孤吟著書人去才名在

千載蕭蕭黃葉林

題冷玉短歌後

天下誰知冷玉名短歌一賦想平生如聞明月殘霜夜

十萬邊城鼓角聲

感舊詩

總角紅絨始拜師國風朝投暮唐詩一株窗外海棠樹

曾否花開似舊時

唐子翰先生

白髮忽登江上船
倥傯戎馬早歸田
孤兒長大東來日
忍憶麻衣拜別年

趙夢亭先生

四壁秋山滿畫圖
敗紈殘墨挾明珠
奇貧嗜古真如命
可有蘭亭殉葬無

楊旭齋先生

秋風帷罩一鐙昏
落葉聲乾拌酒樽
況是槐花黃盡後
長安千里爲招魂

徐壽臣先生

宦海魚龍一旦空
仲弓孝友幾人同
直言親戒通家子

二十年前老輩風

陳栗堂丈

書齋榻下夜香焚
見許髻年志不羣
南海骨歸囊似水
祇餘唐宋八家文

陳幼存丈

西秦罷尉客江鄉
老病猶登翰墨場
親見案頭翹足立

日臨細字十三行

祖舅呂雲生先生先生跋
病一足而臨古帖不倦

游子天涯淚萬行
外家零落劇堪傷
十年寸草春暉盡

追悼何心誦涓陽

唐少桐舅氏

河上有懷李公故中丞德

草笠蹇驢袖大椎
賊奔千里渡河追
夜來十萬騎窺岸

大樹森森危坐時

山東二典史詩

百萬雄師議戰難
守臣無恙歎城殘
龔瞿能踵江陰節

典史 皇家一命官

龔良若瞿菊坪同殉
咸豐四年粵寇難

弔二友詩

下第歸來酒尙醺
百年人事總如雲
錢唐江上青山土

數尺新添烈婦魂

朱越樵妻許殉節

二十年來志盡違故鄉已返更何歸蘇州城外山花滿

胡蝶雙雙冢上飛

童栗仲聘妻徐同歲死

懷兩司馬詩

天地蒼茫有古今偶拈老筆一霑襟千秋誰配斯人集

賈誼新書蘇志林

河間紀晦菴暎迴

日下丹青有重名江南亂後託餘生不圖黃鶴山樵外

七百年中兩叔明

常州汪叔明助

三公本事詩有序

長洲沈文愨公老而不遇館于木瀆主人婢與比舍紡績申旦曰聽沈老相公讀詩聲令人忘倦也主人遂歸

公桐城方恪敏公少以祖父戍塞外歲往來營菽水嘗
日不食清涼寺僧中州厚待之湘陰李文恭公未第時
游蜀不能歸訪同里友于曲巷一伎陰出金餽焉後公
來典試伎失所在噫彼皆何如者能識非常人于塵埃
中而或且不望報賢矣

晚歲文章耀上台天恩人望共崔嵬誰知江上青衣女
早識孤吟老秀才

邊壘風雲達九重至今海內艷奇逢省親萬里孤行
日幾聽清涼寺裏鐘

臂金偶脫付王孫俠女何心望報恩使節西來人逐杏
桃花紅過舊樓門

聞二等恪靖伯大學士左公一等威毅伯曾公以疾乞
假

中夏盟書初定日舊臣鬢髮漸衰年卧龍司馬平生學
肯向湘江望暮煙

幽居

梧影當窗竹繞廬古琴破硯共幽居近來世事都看慣
不著韓非孤憤書

追悼嚴秋查先生
年年芳草入春生烽火江南老淚橫悵絕萊陽新柳句
手書遠寄小門生

秋晴

天本言金卷一
雨歇秋雲薄似羅白蘋風起水成波可憐一片斜陽影
總在寒鴉飛處多

遇前合肥令孫佩南洛陽

投幘江流首不回天教歸老箸書才洛陽兩邊無人識

獨拜董公祠下來

祠祀漢洛陽令董宣

懷陳濟蒼濟南

名滿京師但碎琴湖山如畫一開襟罇前莫話朝鮮事
措大頭顱五百金

讀張魏公傳

朝廷倚任比長城大計豈容鹵莽成千古勛臣同一歎
但將名器作人情

玉貌

玉貌曾矜並世無
眉痕苦向鏡中摹
年來漸覺羞塗抹
賸粉殘膏付小姑

趙菁衫按察山東遠
貽書問追感今昔
並憶舊交

青草春開箸作堂
銷魂筆授自漁洋
近來詩境應何似
萬里霜天一鵲翔

秋老江淮紅樹林
邗溝吳會總題襟
它年更著歸田錄
猶是南游往日心

送胡大令餽蘭州

黃河西上曉闕開
山近皋蘭憶將才
十萬征人射雕處
中原天使犒軍來

讀明史鄭和傳有感

天威萬里一朝陽
俘獻曾聞中國強
自此海濱多大舶
鄭和通使下西洋

詠叔孫通

野外儀成殿上驚
求官驟最苦餘榮
可知未肯同行者
尙有當時魯兩生

詠柳渾

將相何爲昧敵情
書生料事卻分明
戎夸自古無真信
不見平涼結贊盟

詠种放

天上徵書去復還
高風常在白雲間
肯忘阿母殷勤戒

惜汝當年一出山

送客歸登州

朝來送客向登州欲寄家書萬淚流自洛達河河達海

隨波並下海東頭

達海一作達濟

苦憶

人事平生萬念空只餘骨肉寸心中正聞鼙鼓邊關動

妹在京華弟海東

送秦客出塞

朝房尸諫王文恪陵寢魂依吳柳塘不媿秦中鄉後

進肯拌一死向沙場

聞孫佩南蒙薦京卿銜寄贈

清風江上昨來歸海內爭傳孫合肥官職聲名盡何用
約君同來故山薇

歲暮送人歸江西

寒林葉盡曉鳥噉天卷浮雲傍暮低人事無憑歸總好
孤舟風雪大江西

旅順

沙擲金錢星布營防軍見說甲兵精可憐水底魚雷滿
到此何曾聞一聲

老柳

老柳年年風雨交春煙低護月籠稍不知新發枝多少
盡被烏鴉銜作巢

朝鮮

海卷琉球入暮濤越南風雨沒蓬蒿中朝又失朝鮮界
不見當年劉大刀

聖明

干政刑餘 詔立除 聖明戒鑒履霜初殿前不少簪
纓輩終讓貂璫一上書

露臺

秦代阿房一炬灰陳樓隋苑總塵埃漢文皇帝承平世
獨念民生罷露臺

書十六國春秋後

諸王朝內太阿持遂啟羣胡擾亂資千古人生難處世

中原瓦裂土崩時

感南宋

朝局先爭一著棋
兵家和戰貴因時
韓公頭斷函金日
笑殺當年秦太師

中秋有感

海上離居二十年
况經骨肉隔人天
可堪重憶怡園夜

兄弟銜樽對月圓

八月下旬有白氣
亘天起東北至東南
紀之

素練東拖銀漢流
天心似寫廟堂憂
無端一映橫磨

劍劃斷燕雲十六州

自題紀黃厓文後

陰谷春來血不乾
年年花鳥總無歡
挑鐙夜紀黃厓獄
多少冤魂泣筆端

輯湖社文錄題詞

江湖浩蕩獨游身
田里歸來二十春
自顧何如李元禮
平生師友有荀陳